

جريدة عبد

دوبجي سنه

٢٤ ربيع الاخر ١٣٣١ - ٢٠ مارت ١٣٢٩

نومرو ٨٥

چهارشنبه

قِسْمَتِ سَهِي

نوبعبريات عبد

آطنه ولايتي استيناف مدعيٰ عموميسي مصطفى ضيا افدينك بعض اسبابدن طولاي تحويل مأمورتي لازم كلسنه مبنی مومی اليه مصطفى ضيا افندی بتليس وقسطمونی ولايتي استيناف محكمه سی مدعيٰ عموميسي اولوب احوال صحيه سی الجاسيله محل آخره نقلی استدعا ایدن فائق افندی آطنه وبتليس ولايتي استيناف محكمه سی مدعيٰ عموميسي على علوی افندی قسطمونی ولايتلری استيناف محكمه لری مدعيٰ عموميلكلرينه وموصل ولايتي استيناف محكمه سی اعضاسندن نشان افندی دخی تحويل مأموريتی استدعايتديكي جهتله منحل اولان ارضروم ولايتي استيناف محكمه سی اعضالغنه نقل وغزه قضايي بدايت محكمه سی مدعيٰ عمومی معاونی عثمان افدينك اجرا قلنان تحقيقات نتیجه سنه كوره حقهده بعدمه مقتضى معامله ايدلك اوزره عزاليه يرينه طرابلس - غرب ولايتي مركز بدايت محكمه سی اعضالغندن آچيقده قالان توفيق افندی تعيين اولمشلردر . اشبو اراده سنه نك اجراسنه عدليه نظارتی مأموردردر .

٢ ربيع الاخر سنه ٣٢١ و ٢٦ شباط سنه ٣٢١

محمد رشاد

صدراعظم

عدليه ناظری

محمود شوكت

ابراهيم

**

منحل اولان بصره ولایتی مرکز بدایت محکمه سی ریاسته بغداد ولایتی مرکز بدایت محکمه سی مدعی عمومی اسبقی و کربلا سنجان میبعوث سابقی خلیل فواد و خداوندکار ولایتی مرکز بدایت محکمه سی مدعی عمومی میقائیل افندینک وقوع استیفاسی جهتیه یرینه سیواس ولایتی مرکز بدایت محکمه سی مدعی عمومی عبدالکریم و سیواس ولایتی مرکز بدایت محکمه سی مدعی عمومی لکنه سالانیک ولایتی مرکز بدایت محکمه سی مدعی عمومی ذهنی و کذلک منحل اولان موصل ولایتی استیناف محکمه سی اعضا لگنه قوصوه ولایتی استیناف محکمه سی اعضا سندن هنیطو و اطنه ولایتی استیناف محکمه سی اعضا سندن حسین رشدی و علی رضا و قسطاکی و آرتین و زامبا و مرکز بدایت محکمه سی اعضا سندن عمر اطفی افندیلرک حقلارنده اجرا قلنان تحقیقات نتیجه سنه نظراً مأموریتلارنده بقاری غیری جائز کورلدیکنه مبنی عزالریله مذکور استیناف محکمه سی اعضا لگنه سرفیچه سنجان بدایت محکمه سی جزا دأرده سی رئیس نجیب و مناستر ولایتی استیناف محکمه سی اعضا سندن خالد و نیقولا و ارزنجان سنجان بدایت محکمه سی اعضا سندن آرتین و صارو خان سنجان بدایت محکمه سی اعضا سندن قالوست و بدایت محکمه سی اعضا لگنه دخی در سعادت استیناف محکمه سی جنایت قسمی موظف ملازم لردن و مکتب حقوق عثمانی علی الاعلی درجه مآذون لردن حسین حسنی و مذکور صارو خان سنجان بدایت محکمه سی اعضا لگنه سالانیک ولایتی مرکز بدایت محکمه سی اعضا سندن بخور افندیلر نقل و تعیین اولمشلردر .

اشبو اراده سنیه نك اجراسنه عدلیه نظارتی مأموردر .

۸ ربیع الاخر سنه ۱۳۳۱ و ۴ مارت سنه ۱۳۲۹

عدلیه ناظری

ابراهیم محمود شوکت

قوانین و نظامات

اسباب موجهه لایحه سی

حدود انتقالیه نه رتبه توسیع و تزید ایدیلور ایسه اراضیه متصرف اولانلرک عهده لرنده کی یرلری اعمار خصوصنده کی مساعیسی دخی اول مرتبه تزیاید ایده جکی و حدود انتقالیه نك و مستسزلکنندن طولانی

الیوم ثروت نقدیه لرینی اراضی اوزرنده استعمال ایلک ایستیمیان ارباب یسارکده اراضی ایدنیکه و اراضیدن اقتطاف منافع ایلنیکه رغبت ایده جکلری و بوسبیلرله کوندن کونه اراضینک قیمت و اعتباری و مساعی و ثروت و منافع عمومییه نسبتنده دولتک منافی آرتیجی امر آشکار بولندیجی جهته حدود انتقالیه نك بدرجه دها توسیعی مناسب عد ایدلمشدر . بوندن یشقه الیوم انتقال عادییه تابع بولنان اراضی موقوفه ایله توسیع انتقالی مسققات و مستغلات و قفیه حقنده بشقه بشقه ایکی قانون موجود اولوب بولنرده احباب انتقالدن بعضیسینک درجه سی تفاوت ایتکده و بوجلهه انتقال معاملاتنده دائماً تشوشات وقوعه کلکدهدر . انتقال عادینک برنوع غیر منقولده بردرلو و دیگر نوع غیر منقولده بشقه بردرلو حکمه تابع طوئسی موافق مصلحت اولدیغندن بونلرک توحید و تألیفه دخی لزوم کورلمش و بوسره ده درجات داخلنده بروجه آتی بعض تعدیلات اجرا ایدلمشدر .

تعدیلاتدن برنجیسی احفاد حقندهدر . موجود اولان هر ایکی انتقال قانوننده خلفیت قاعده سی قسماً قبول ایدلمش ایسه ده تماماً تطبیق اولدیغندن بعض غریب حالاته تصادف ایدلمکدهدر . شویله که اولاددن بعضیسی اولجه وفات ایتش اولور ایسه بونده خلفیت قاعده سی تطبیق ایدیلرک کندوسنه انتقال ایده جک حصه نك اولادینه انتقال ایتسی قبول اولدیغنی حالده اولاددن هیچ بری برحیات اولمز ایسه متوفانک اراضی و مسققاتی طوغریدن طوغرییه علی السویه احفاده ویرلمش و بوراده خلفیت نظراعتباره آلمانشدر . بوندن ده برکیمسه نك احفادینه اصابت ایده جک حصه لرده حیاته برولد بولنوب بولنماسنه کوره تبدل وقوعی کبی بر نتیجه حصوله کلکدهدر . فرضا ایکیسی متوفی و بر برحیات اوچ اولادی اولدیغنی حالده وفات ایدن کیمسه نك حیاته کی ولدینک بر و وفات ایدنلردن برینک ایکی دیگرینک اوچ اولادی بولندیجی صورتده اراضینک برثلثی ولدینه برثلثی ایکنجی ولدینک ایکی اولادینه اوچنجی ثلثی ده اوچنجی ولدینک اوچ اولادینه انتقال ایده جک و بیده برحیات اولان ولدی دخی وفات ایدر ایسه برثلث حصه تماماً آنک ولدینه قاله جقدر . حالبوکه برحیات اولان ولد دخی مقدمه وفات ایتش فرض اولنور ایسه مجموع اراضی اسداساً آلتی حفیدینه انتقال ایدیه جکدر که هر کسک حصه سی صوکنجی ولدک حیات و ممانته تابع بولنه جقدر . خلفیت قاعده سی تماماً قبول ایدلدیکی حالده ایسه بردرلو تصادف طالعه احتمالات برطرف اولوب اولاددن بعضیسی برحیات بولنسون ویا بولنسون احفادک حصه سی برقاعده تحتنده تعین ایتش اوله جقدر . مادامکه قانوننده خلفیت قاعده سی قبول ایدلمشدر بونی تماماً تطبیق ایتک موافق مصلحت اوله جق و شمدییه قدر بوایکی قاعده نك فرقه وارلمسزین مأمورلر طرفندن علی الاکثر یا کلش تطبیق ایدلمسی صورتیه حصوله کلان تشوشاتک دخی اوکی آلتش بولنه جقدر . لایحه نك ایکنجی ماده سی بواساسه بنا ایدلمشدر .

تعدیلاتدن ایکنجیسی ابوین ایله اخوه و اخواتک مناسبتندهدر . موجود قانونلر ایجانبه ابوینک ویا برینسک حیاتی حالده اولادلری انتقالدن محروم اولمدهدر . کرچه هر ایکیسی حیاته ایدن اولادلرینک

محرومیت برشی دینیه من ایسه ده [چونکه آنلرک حیاتنده اولادلی استفاده ایده جگلی گی وفاتلرله دخی ترکلرینه آنلر خلف اوله جقلردر] ایکیسندن بریسی وفات ایتدیکی صورتده منحصرأ دیگرینی توریث ایده رک آنک اولادینی [که متوفانک لاب ویا لام قرنداشیدر] بالکلیه محروم ایتک موافق مصلحت کوریه مامش و بوسبدن اولادده جاری اولان خلفیت قاعده سی ابوینه دخی تطبیق ایدیلرک ابویندن اولجه وفات ایتش اولان هانکیسی ایسه حصه سنک اولادینه انتقالی تنسیب ایدلشد .

تعدیلاتدن اوچنجیسی اولجه وفات ایتش اولان ابوینک اولادی یعنی متوفانک اخوه و اخواتی حقنده در . اراضینک توسیع انتقاله دارا اولان ۱۷ محرم ۲۸۴ تاریخلی قانون موجبجه لابوین و لاب ارقنداش لابوین و لاب قزقنداشه آنلردخی لام ارقنداشه اوده لام قزقنداشه ترجیح ایداش و مسققات و مستغلات وقفیه نک توسیع انتقالی حقنده کی ۴ رجب ۲۹۲ تاریخلی قانون موجبجه ایسه لابوین ار و قزقنداش لاب ار و قزقنداشه آنلرده لازم ار و قزقنداشه ترجیح اولمش و هرا یکی قانونه کوره اخوه و اخواتدن بعضیسی حق انتقاله نائل ایدلیکی حالده دیگرلری محروم براغلمشدر حالبوکه برکیمسه نک قزقنداشلردن بعضیسی مستفید قیلرک دیگرینی بالکلیه محروم ایتکدن ایسه پدر و والدله رینه عاڈ حصه لرک کندولرینه انتقال ایتدیرلمسی و جوهله موافق مصلحت کورلشددر بصورتله لابوین اخوه و اخواتک ایکی جهندن و لاب ایله لام اولانلرک یالکیز بر جهندن انتقاله نائل اوله جقلری ملابسسه سیله بیلرندکی نسبت قرابت عادلانه بر صورتده محافظه ایدلش اوله جقدر .

برده قوانین مذکوره احکامجه اخوه و اخواتک اولادی حق انتقالدن محروم ایدلشددر حالبوکه مقدمه ده عرض ایدلیکی اوزره اراضی و مسققات و مستغلاتک محلولیتی جهته کیدلمکدن ایسه اقربایه تفویض ایتک مملکتک و خزینة دولتک منافع حقیقه سنه دها زیاده موافق اوله جقندن برنجی درجه ده مندرج خلفیت قاعده سنک اخوه و اخوات اولادینه ده تطبیق تنسیب ایدیلرک اوچنجی ماده اساس اوزرینه قلمه آلمشدر . تعدیلاتدن دردنجیسی جد ایله جده نک حق انتقال اصحابی عدادینه ادخالی صورتنددر کرچه بوا احتمال پک آز تحقق ایتکده ایسه ده سن شیخوخته واصل اولدینی فرض اولان برکیمسه نک احفادنن انتقال ایدن محللردن مستفید ایدلیه رک محروم و حال احتیاجده بر اقلیمی موافق مصلحت کوریه مامشدر ذاتاً آنلرک وفاتی حالنده عهده لرندکی محللر حفیدلرینه انتقال ایده جکندن بالمقابله آنلرکده مستفید ایدلمسی البته عدالته ده موافقدر .

ماده سابقه حقنده بیان اولان اسبابه بناءً جدیندن بری ویا ایکیسی اولجه وفات ایتش بولندینی تقدیرده آنلرک فروعی یعنی متوفانک اعمام و عمت و اخوال و خالاتی و بونلرک اولادی دخی خلفیت قاعده سی موجبجه حق انتقاله نائل طوئق ضروری کورنمشدر .

تعدیلاتدن بشنجیسی زوجینک حصه سی حقنده در . موجود قانونلر ایجابجه اولاد و احفاد موجودایکن

زوجین حق انتقالدن محروم اولدقلری کی ابویندن اعتبارآده آنجق ربع حصه اخذ ایتکده درلر حالبوکه زوجینی حق انتقالدن بالکلیه محروم بر اقله رق اولاد و احفادینک دوش انفاقه تحمیل ایتک مغدوریتلرینی موجب اولدینی و علی الاکثر بونلر آبا و اجدادینه معاونت شویله طورسون مال موروثلرینی الدن چقارده رق کندولرینی بیله دوچار سفالت ایتکده اولدقلری جهته زوج و زوجنه نک آنلر ایله برلکده ربع درجه سنده حصه دار اولملری موافق کورلشددر . بونلرک اولاد و احفادن صکره کی اقربا ایله اشتراکلی دها بشقه صورتده ملاحظه ایدلشددر شویله که متوفانک زوج و یازوجه سی موجود ایکن اراضینک برجزؤ قلیلی آنلر و ثلاثه ارباعی دیگر ورثیه اعطا ایتک وجدان عمومیده سوء تأثیر بر اقلقه و حتی زوجینک ابوینه بیله تقدیمی حقنده مطالعهلر در میان اولمقده در بوسبده مبنی اوچنجی درجه دن اعتباراً زوجینک حصه سی نصف راده سنه چقارلشددر . متوفانک حال حیاتنده بونلرک برلکده چالشمش و شواموالی برلکده استحصال ایلش اولملری فرضی دخی قبول ایدیلور ایسه بونک نه قدر موافق نصف اولدینی تسلیم ایدیلور . زوجینک عمجه ایله سائر اقربایه و اولادلرینه مرجح اولسی قوانین مذکوره ده دخی قبول ایدلش اولدیفندن و اشبو لایحه ده مذکور اقربا یکیدن علاوه ایدلش بولندیغندن زوجینک آنلر اوزرینه رجحانی کما کان محافظه اولمشدر .

مسققات و مستغلات وقفیه نک حدود انتقالیه سنک توسیعی نظامنامه مخصوص ایله اساساً تجویز اولمقده برابر امر توسیعک اجرایی بدایة یوزده اوچ رسم ایفاسنه و برده اجاره قدیمه نک فسخیله بیکده برغروش اجاره تعییننه تعلیق ایدلشددر حالبوکه اشبو توسیعدن استفاده امانده بولنان کیمسه لرک رسم توسیعی تدارک ایده مدکاری تقدیرده هم مقصد قانونی همده آنلرک امل و استفاده لری حاصل اوله مامقده و بوا ایسه حال و مصلحت موافق کوریه مامکده در بوندن طولایی و قفلرک محمولات بدلاتندن کوره جکی ضایعانه مقابل منافع مخصوصه بشقه جه ارئه ایدلمک اوزره اموال غیر منقوله و وقفیه ده دخی حدود انتقالیه نک اراضینک انتقالاتی حقنده کی درجاته کوره توسیعی درجه وجوده عد ویدنچی ماده ده بوجهت تصریح قلمشدر .

حدود انتقالیه نک ماده سابقه موجبجه توسیعندن طولایی و قفلرک کوره جکی ضایعاتک تضمینی مسئله سی ده نظر اعتباره آلهرق اجرا ایدیلان تدقیقات عمیقہ نتیجه سنده الیوم توسیع انتقالو یرلردن بیکده برغروش نسبتده آلمقده اولان اجاره سنویه نک آلمش پاردن ایکی غروشه قدر تزیدی حالنده اوقافه تضمینات لازمه اعطا ایدلش اوله جنی آ کلاشیلوب مجلس مبعوثان انجمنجه دخی اعضادن بعضیسی آلمش پاره و دیگر بعضیسی ایکی غروش آلمسی رأینده بولمش فقط حقوق تصرفیه جه اجرا ایدیلان اصلاحات و اتخاذ اولنان تدابیر ایله املاک قیمتی اضعاف مضاعفه ترقی ایدوب بوندن اوقافک دخی مع زیاده استفاده ایده جکی درکار بولندیغندن اجاره سنویه نک آلمش پاره اولسی فکرند بولنان ذواتک رأی ترجیح ایدیلرک لایحه نک طقوزنجی ماده سی اوپولده تنظیم اولمشدر . برده توسیع انتقال رسمی اولهرق آلمسی لازم کلان بیکده اوتوزغروشک

دفعهٔ وجبراً استيفاسه قاضی پک چوق مشکلاتی داعی اوله جفی کبی اشبو لایحه ایله اجرا ایدیلان توسیع دخی آنلرک اختیارینه تعلیق ایدلکسزین بر امر قانونی اولدینی جهته اعجابنه دفعهٔ بیوک برکلفت تحمیلی موافق معدلت کوریه مامش و آتمش سنهیه بالتقسیم اجارهٔ سنویه ایله برلکده بیکده یکریمی پاره استیفاسی حالده اصحابی حس ایتکسزین دینلرینی تسویه ایده جکاری مثلاً اوقاف دخی منتظم و آتمش سنه لک دائمی بر ایراد تأمین ایلش بولنه جقدر .

بروقفه مربوط مستغلات ایله اراضیدن بعض محللر اوزرنده احداث و غرس اولنان ابنیه و اشجار و کروم اکثریتله دیگر بروقفه تصحیح ایدیلرک بوسبيله بریده ایکی وقف تأسس ایلکده و بونلرک هر بری بر مقاطعه و اجارهیه مربوط بولمقد اولوب آنجق بودفعه مجموعک قیمتلی اعتباریه اجاره و مقاطعه لر مقدارینک بیکده آتمش پارهیه ابلاغ اولمسندن طولای نسبت مذکوردهن اشبو وقفله عائد اجاره و مقاطعه لر ایچون برحد و نسبت تعیین ده مقتضی کورندیکندن فراغ و انتقال خرچلرینک و تعیین بیننده تفریق صورتده کی قاعدهٔ مرعیهیه توفیقاً اجارات و مقاطعاتک ده ثلث و ثلثان وجهله تفریق و تخصیصی مناسب مطالعه ایدلش و سکرنجی ماده بووادیده ترتیب قلمشدر .

اموال غیر منقوله نك دين مقابلنده تأمینات ارأئه سنه دائر

قانون صورتیدر

برنجی ماده : مستقلاً و یا شایعاً تصرف اولنان املاک و اراضی امیرییه و موقوفه ایله مسقفات و مستغلات وقفیه دین مقابلنده مرهون حکمنده اولق اوزره تأمینات ارأئه اولنه بیلیر . بونلر فضله قیمتی حائر بولندینی حالده اشبو قیمت زائده قارشیلق طوتیلرک ایکنجی و اوچنجی والی آخره درجه لرده دخی تأمینات ارأئه ایدیلرک و بو حالده مقدم درجه ده بولنلر علی الدرجات حق رجحانی حائر اولورلر .

ایکنجی ماده : اموال غیر منقوله زراعت باقعه سی نامنه و نقود موقوفه دن استقراض ایدیلن مبلغ مقابلنده وقفلی نامنه و یا قصبات داخلنده مسقفات و عرصه لر اوزرینه اقراض و ادانیه جانب حکومتدن مأذون عثمانی شرکت و باقعه لر ناملرینه دخی تأمینات ارأئه ایدیلرک آنجق بو نوع شرکت و باقعه لر اموال مذکوره نی فراغ قطعی ایله عهدده تصرفلرینه کیره مزملر .

اوچنجی ماده : دین مقابلنده تأمینات ارأئه اولنه جق عقارک اول امرده آخره مأجور اولوب اولدینغی و مدت اجاره سی متضمن و بلدیهدن مصدق بر علم و خبر ابراز و تودیع اولور و مدت ایجار مداینه مدتدن زیاده اولوبده ختام مدت مداینه ده حکم قانونک اجراسنه مستأجر موافقت ایدر ایسه آندن یا مدت ایجارک

ختمانیه قدر معامله اجراییه تعقیب ایتیه چکنه دائر دایندن بیاننامه آنور آندن صکره بروجه آتی سند تنظیم ایدیلور . تأمینات معاملاتنی حاوی مداینه سنداتی دفتر خاقانی اداره لرینجه نسختین اوله رق درنجی ماده : تأمینات معاملاتنی حاوی مداینه سنداتی دفتر خاقانی اداره لرینجه نسختین اوله رق تنظیم و طرفیندن اولوبده بر اقامتگاه قانونی تعیین ایله امضا و یا تحقیم ایدیلور . و شاهدلر مواجه سنده تقریرلری آلدقند صکره تصدیق و برر نسخه سی کندیلرینه تودیع قنور . بو یولده مصدق سنداتک بالجه محاکم و دوائرجه بلاینه مضمونلریله حکم و عمل اولور .

بشنجی ماده : تأمینات کوسترین محللر اوزرنده مبنی و مغروس بولنان و یا صکره دن احداث و علاوه و غرس ایدیلن ابنیه و اشجار و کروم اول محللره تبعاً تأمینات کوستراش حکمنده طوتیلور .

آلتنجی ماده : تأمینات کوسترین محللرک ایشدلمسی و منافع سائره سی مدیونلرک عائد بولندینی کبی بو مقوله محللرده و قوعوبله جتی تلف و ضرر دخی آنلره راجع اولور .

یدنجی ماده : دین تأمینات اوله رق قبول ایدیلکی غیر منقول اوزرنده کی امتیازی آله جنی ایله برابر دفه خاقانی اداره لری معرفتیه و مدیونک رضاسیله و شاید سند امره محرر ایسه رضاسنه مراجعت ایتکسزین آخره دور ایدیلور مدیون دخی تأمینات کوستریش اولدینی محلی ینه تأمینات اوله رق قالمق اوزره داینک رضاسیله دینی حواله قبول ایدن کیمسهیه قطعاً فراغ ایدیلور .

سکرنجی ماده : سندات مصدقیه مربوط دین ایله متفرقاتی وقت معینک حلولندن اول تسویه خصوصنده مدیونلر مختاردر بو حالده اسپاس دین ایله برابر ضرر و زیان اوله رق بر مقدار مبلغک تسویه سی سندده مشروط ایسه او دخی داین حسابنه دفتر خاقانی اداره سی نامنه حکومتجه طائش مؤسسات مالیه دن برینه تماماً تسلیم و آله جق مقبوض سندی تودیع اولندینغنده مذکور اداره لرجه کیفیت داینه تبلیغ و معامله فکیه اجرا اولور .

طقوزنجی ماده : مدت مداینه منقضیه اولوبده دین ایفا ایدیلکی و یا سندده مندرج بر شرط انفساخینک تحققیله دین معجل حالی اکتساب ایدیلکی تقدیرده داینلرک و یا وارثلرینک و مکرر تأمیناتده داین اول طرفندن تشبث ایدلماش ایسه درجات تالیده بولنان داینلردن برینک مراجعتی اوزرینه مدیون وفات و یا افلاس ایتش و اصحاب حق انتقالدن کیمسه سی بولنماش اولسه بیله برکونا حکم و قرار استحصاله و ترکیه و یا خود افلاس ماصه سنه مراجعته حاجت اولمسنزین تأمینات ارأئه ایدلش بولنان محل دفتر خاقانی اداره سی جانبندن اول دین ایچون ماده آتیه موجبجه فروخت ایدیلور .

اونجی ماده : بر محلاک ماده سابقه حکمنه توفیقاً فروختی ایچون مراجعت اولندقدده دفتر خاقانی اداره لری طرفندن اول امرده دینک بر هفته ظرفنده تسویه سی لزومی اصول محاکمه حقوقیه قانوننه تطبیقاً مدیونه و وفاتی حالده ورثه و یا وصیلرندن برینه و یا اقامتگاهلرینه و افلاس ایتش ایسه سند یقزلرینه باخطارنامه

تبليغ اولنور مدت مذكوره ظرفنده تسويه دين اولنديني تقديرده قرق بش كون على العاده و اون كون دخي يوزده اوج ضم قبول ايدلك اوزره مزايده وعهده سنده تقرر ايدن كيمسه نامنه طوغريدن طوغرييه قطعياً احاله ايديلور و بويولده صائيله جق محللر عندالايحاب دفترخاقاني مأمورلري جانندن ارسال اولنه جق مذكوره اوزرينه اجرا مأمورلري طرفندن بالتخليه مفروغ لهره تسليم ايديلور مديونلرك بويولده بر كونه اعتراضلري بولنوبده محكمه يه مراجعت ايتيش اولسه لر بيله مزايده و احاله و تخليه معامله لري تأخير ايدلر و اوچنجي ماده ده محرر بياننامه لر خارجنده ايجار دعوالرينه دخي اعتبار اولنر شوقدر كه دينك تسويه سندن اول داي ن افراددن ايسه كفيل و اقراضه مأذون مؤسسائدن ايسه تعهدنامه آلنسنه محكمه جه قرار و يريلوب تبليغ اولنديني صورتده او يولده معامله اولنور .

اون برنجي ماده : احاله اولنان غيرمنقولك بدلندن مصارفى بعدالتنزيل متباقيسى سندات مصدقه ده مندرج ديونك تسويه سنده تخصيص قنور و داي نلر طرفندن مراجعت وقوع بولدجه هر برينك سندن مندرج شرائط و ترتيب صره سنده رعابت ايديلور و داي نلردن مراجعت ايتيسانلره عائد مبالغ دفتر خاقاني اداره لري طرفندن احكامي نامنه حكومتجه طائش مؤسسات ماليه دن برنده تخيه ايتديريلور بدلي كافي اولنديني تقديرده دينك متباقيسى داي ن مديوندن آيريجه طلب ايديلور .

اون ايكنجى ماده : اشبو قانونك حكيمى نشري تاريخندن اعتباراً مرعى اوله جقدر .

اون اوچنجى ماده : اشبو قانونك اجراسنه ماليه و عدليه و اوقاف نظارتلري مأموردر .

مجلس عمومينك كشانده تصديق ايتديرلك اوزره بولايحه قانونيه نك موقتاً موقع اجرايه وضعي و قوانين دولته علاوه سنى اراده ايدرم .

۱ ربيع الاخر سنه ۱۳۳۱ و ۲۵ شباط سنه ۱۳۲۸

محمد رشاد

ماليه ناظري عدليه ناظري و اوقاف ناظري و كيلي صدر اعظم
رفعت ابراهيم محمود شوكت

اسباب موجبه لايحه سى

انتقالات قانونى لايحه سى محتوياتى تصديق عالميه اقرار ايلديكي حالده حدود انتقاليه خيليجه توسع ايتيش وبوندن طولاني اوقافك محمولات صورتيه اولان منافعى اجارات و مقاطعاتك ابلاغ اولنه جنجى بيكده آلتش پاره واردات سنويه يه منقلب اولمش اوله جقدر اشبو منافع مقابل اوقاف جانندن اجرايى متاد اولان مصارف مبرمه نك تأخر دن وقايه سى لازمه دن اولنديني و بوده اجارات و مقاطعاتك منتظماً تحصيلنه منوط

اوله جنجى كجى خزينه اوقافك وسائط تحصيليه سى اولماق حسييله اشبو امر اممكده بعض امثالي وجهله ويركو ايله برلكده مال مأمورلري طرفندن ايفايى ضرورى ايدوكى مطاله قلمش وبونك ايچون مجلس مبعوثان انجمنجه ده قبول اولنديني اوزره قانون مخصوص شكلنده برلايحه تنظيم ايدلشدر .

اجارات و مقاطعات و وقفه نك ويركو ايله برلكده تحصيلي

حقنده قانون موقت

ماده ۱ : على الاطلاق اوقاف نامنه تحصيل اولنه جق اجارات و مقاطعات سنويه مال مأمورلري طرفندن ويركو ايله برلكده تحصيل اولنوب بركونا مصارف تحصيليه استيفا اولنق سزى ن تماماً جهت اوقافه توديع قلنه جقدر .

ماده ۲ : اشبو قانونك اجراى احكامنه ماليه و اوقاف نظارتلري مأموردر .
مجلس عمومينك كشانده قانونيتى تكليف اولنق اوزره اشبو لايحه قانونيه نك موقتاً موقع مرعيتيه وضعي و قوانين دولته علاوه سنى اراده ايدرم .

۲۷ ربيع الاول سنه ۱۳۳۱ و ۲۱ شباط سنه ۱۳۲۸ محمد رشاد

اوقاف هايون ناظر و كيلي ماليه ناظري صدر اعظم
ابراهيم رفعت محمود شوكت

حديده محاكمك تقريق وظائفى حقنده ماده نظاميه صورتيدر

حديده ده ساكن تبعه عثمانيه آره سنده تحدث ايدجك حقوق و جزا دعوالري محكمه شرعيه ده و تبعه عثمانيه ايله اجنبي تبعه بيننده متكون دعاوى جزائيه و حقوقيه و تجاريه ايله قصبه مذكوره ده متمكن تبعه عثمانيه عائد دعاوى تجاريه حديده بدايت محكمه سنده رؤيت اولنه رق تبعه اجنيه ايله تبعه عثمانيه يه متعلق جنايت دعوالرينه عائد هيئت اتهاميه وظيفه سى بيروت ولايتى هيئت اتهاميه سى طرفندن ايفا و حديده محكمه سنده بدايه فصل اولنه جق حقوق و تجارت دعوالري ولايت مذكوره استيناف محكمه سنده استيناف اولنه جقدر .

اشبو ماده نظاميه نك اجراسنه مشيخت اسلاميه ايله عدليه نظارتى مأموردر .

اشبو ماده نظاميه نك موقع اجرايه وضعي و نظامات دولته علاوه سنى اراده ايدرم .

۲۷ ربيع الاول سنه ۱۳۳۱ و ۲۱ شباط سنه ۱۳۲۸ محمد رشاد

عدليه ناظري شيخ الاسلام صدر اعظم
ابراهيم رفعت محمود شوكت

ایتالیا دولتی ایله عقد صلح ایدلمش اولمسنه بناءً ایتالیا عسکری طرفدن اشغال اولنوب
دولت علیه اعاده اولنه جق اطهر اهلایسی حقنده عفو عمومی قانونی صورتیدر

برنجی ماده ایتالیا عسکری طرفدن اشغال اولنوب دولت علیه اعاده اولنه جق اطهر اهلایسندن هانکی
صنف منسوب ونه کبی بر حال وموقعه بولنورسه بولنسون مخاصمه اشتراک ایش ویاخود مخاصمات سببیه
تصدی ایلدیکی داعی مسئولیت احوالین و افعال سیاسی ویا عسکریده دن ویاخود بیان ایش اولدینی افکاردن
طولانی شخصی ویا مالی هیچ بر کیمسه جهت عدلیه جه تعقیب ایدیه میه جکدر .

ایکنجی ماده اشبو عفو عمومی جرائم عادییه شامل دکدر .

اوچنجی ماده اشبو قانون تاریخ نشرندن اعتباراً معتبردر .

دردنجی ماده اشبو قانونک اجرای احکامنه حریه و داخلیه و عدلیه نظارتلری مأمورددر .

اشبو لایحه قانونیه نک مجلس عمومینک کشادنده قانونی تکلیف ایدلمک اوزره شمیدین موقتاً موقع
اجرایه وضعی و قوانین دولته علاوه سنی اراده ایدرم .

۲۰ صفر سنه ۱۳۳۱ و ۱۶ کانون ثانی سنه ۱۳۲۸

محمد رشاد

عدلیه ناظری داخلیه ناظری صدراعظم و حریه ناظری
ابراهیم عادل محمود مرکت

تلیفات عجمیه

عمریه نظارت مبلد سنده نظیر اولنامه ۲۸ سباط سنه ۱۳۲۸ تاریخی تحریرات عمومی صورتیدر :

«مأمورین و کتبه و مستخدمین دولته مآذونیت نظامیه لرینه دائر»

۴ اغستوس سنه ۱۳۲۸ تاریخی تحریرات عمومییه ذیلدر . مأمورین و کتبه و مستخدمین دولته مآذونیت
نظامیه دن مستفید اوله بیلملری امور و مصالح حکومتک هیچ بر وجهه خللدار اولماسیه مشروط و مقید
بولمسنه و عمومی سفربرک مناسبتیه مأموریندن بر قسمک تحت سلاحه آندقلری و بالعموم مأموریندن
هرزماندن زیاده اظهار مساعیه احتیاج کوردیکی بر زمانده مآذونیت نظامیه وسیله سیه موقع مأموریتلرندن

انفکاک ایلری تجویز اولنه مامسنه مبنی بوسنه عائد مآذونیت نظامیه نک آتیه استعمالی لزومی تبلیغ اولنمشیدی
بیک اوچیز یکرخی طقوز سنه می ایچون بالتنظم بی دربی ورود ایتکده اولان مآذونیت نظامیه جدوللری
اوزرینه دائره عاده سنجه تدقیقات ایفا ایدلمکده ایسه ده حال حربک دواچی مدتیجه کله جک سنه عائد
مآذونیتلرکده استعماله جواز کوستریله مه مک ضروری بولندیغندن حربک ختامندن صوکره تصدیق
و اعاده ایدیه جک جدوللرده محرر مآذونیتلرک شرائط مخصوصه سنه توفیقاً استعمال اولنمی و حال حربک
دوام ایتدیکی مدته متصادف مآذونیتلرک بمنه تعالی اوچیز اوتوز سنه سنده استعمال مقتضیدر مآذونیت
جدوللرینک بعدالتصدیق اعاده سندن مقدم خود بخود استعمال مآذونیتیه تشبث ایدنلر تعلیماتنامه مخصوصک
اوتنجی ماده سی حکمنجه مستعفی عد اولنق طبیعی بولندیغندن بو جهتک دخی نظر دقتدن دور طوتلامسی
بشقجه اخطار اولنور .

عمریه نظارت مبلد سنده نظیر اولنامه ۲ مارت سنه ۱۳۲۹ تاریخی تحریرات عمومی صورتیدر :

«چکرک قانونی احکامنه مغایر حرکاتده بولانلر حقنده مجازات نقدیه عائد ویریلن

مضبطلرک مدعی عمومیلر جانبندن انفاذی لزومنه دائر»

چکرک استیلاسنک منعی ایچون موضوع اولان چکرک قانوننک هر شینه ترجیحاً تطبیق نظر دفته
آلنهرق ایجابات قانونیه نک مسارعة ایفاسی ایچون ایجاب ایدنلره تبلیغات اجرایی لزومی بو کره
شرفوارد اولان تذکره سامیه ده امر و اشعار بیورلمش و قانون مذکورک سکرنجی ماده سنه علاوه اولنوب
مرعیت احکامنه اراده سنیه جناب پادشاهی شرفعلیق ایدن ۱۹ کانون ثانی سنه ۱۳۲۸ تاریخی فقرات قانونیه ده
مذکور قانوننامه حکمنه مغایر حرکاتده بولنه جقلردن بلدییه و ناحیه مجلسلری طرفندن حکم اولنه جق
مجازات نقدیه عائد مضبطلرک مدعی عمومیلر جانبندن انفاذی واعطاسندن قمر اولنه جق مجازات نقدیه نک
محاکمه به حاجت قالمقسنین قانون جزانک اوتوز یدنجی ماده سی موجبجه حبسه تحویلی لازم کله جکی
کوسترلمش و کیفیت بالعموم استیناف مدعی عمومیلرک لرینه تبلیغ و اشبو تحریراتک نسخ مطبوعه کافیه سی
لقاً تسیر قلمش اولغله حالات مماثلده اوراچه ده حکم قانونه توفیقاً ایفای معامله به مسارعت اولنمی
سیاقنده شقه ترقیم قلندی .

عمریه نظارت مبلد سنده استیناف مدعی عمومیلرک لرینه نظیر اولنامه ۲ مارت سنه ۱۳۲۹ تاریخی تحریرات عمومی صورتیدر :

«حبسخانهلر داخلنده محل آسایش احواله مجاسرت ایدن محبوسینک حققرنده

احکام قانونیه نک تطبیق لزومنه دائر»

سبق ایدن استفسار اوزرینه شورای دولت تنظیمات دائره سندن تنظیم ویا بیورلدی سامی تبلیغ

بيوريلان ۲۰ كانون ثاني سنه ۳۲۸ تاريخي و ۱۵۱۹ نومرولو مضبوطه عدليه مديري بولنيان محالرده حبسخانه لرده جاري و مرعي اصول و قواعد مغاير حرکاتده بولنانلر حقنده کي معاملات التباهيه نكده بر شکل قانوني و انتظام دائر سنده حسن جريانك تأمینی مقتضى بولنش و بناء عليه حبسخانه ل اداره داخله سنده متعلق نظامنامه نك بو جهاته متدائر اولان احكامنك توضيحه و اقتدحه و قوعبولان تبليغات عموميه نك تکرارينه لزوم قطعي حاصل اولمشدر. شويله که:

محبوس ويا موقوفك مستحق تادیب اولمسی حبسخانه لرده جاري و مرعي اولان اصول و قواعد مغاير حرکاتده بولنسنه ويا توقیفخانه و حبسخانه غاردیانی ويا سائر مستخدمینی ويا خود موقوفین و محبوسین سائر حقنده معامله تهدیدیه ويا تحقیریه ويا خود جبریه جرأت ایلسنه مبنی اولوب برنجی صورتده مذکور تعلیمات عمومیه نك سکسان بشنجی ماده سنده کوسترلیدی اوزره اول شخص حقنده ترتیب اولنه جق جزا ایجابنه کوره تنفسه چیقمقدن و سائر محبوسین و موقوفین ایله کوروشمکدن و مخابره ایتمکدن و اعانه صورتیه خارجدن کندوسنه ویریه جک اشیا یی قبول ایتمکدن و بونك کي بعض منافع استحصالندن منع اولنق ویا کینجی صورتده یعنی شخص موقوف ویا محبوس معامله تهدیدیه ویا تحقیریه ویا خود جبریه جرأت ایلدیکی حالده اصول محاکمات جزائیه قانوننك درت یوز الی سکرنجی ماده سنده و نظامنامه مذکورنك مواد مخصوصه سنده مصرح اولدینی اوزره ترتیب اوله جق جزا منفرداً حبس ایلمك و معامله جبریه نك شدنه کوره تیموره دخی اورولق و بو یولده جزا کورمکدن متنبه اولماش ایسه لدی الحاجه کندوسنه ویرلمکده اولان اوچ یوز درهم اتمك تدریجاً یوز درهمه تنزیل ایلمك کي معاملات تأدییه دن عبارت اوله ورق اشبو جزالرك مدتی یکریمی بر کوندن و مکررلر حقنده ایکی قات یعنی قرق ایکی کوندن زیاده اوله میه جینی و اشبو مجازات و تأدیباتک کیفیت ترتیب و اجراسنه کینجه؛ مذکور نظامنامه احکامنه و حبسخانه اصولنه مغاير بر حرکتیه تصدی ایدن محبوسین ویا موقوفین حقنده غاردیان طرفندن درحال بر ضبط ورقه سنی تنظیم ایدیله رك حبسخانه مدیرینه ویا آنك غیابنده سر غاردیانه اعطا و مدیر دخی اول محبوس ویا موقوفی نزدینه جلب و کیفیتی بالتحقیق ضبط زیرینی امضا ایتمکدن صکره عدلیه مدیرینه و بولنیان محالرده بالاده ذکر اولنان مأمورین عدلیه یه اعطا و معین جزالردن هانکیسنك اجرا اوله جقنی و مدتی، بالتعین آندن اله جینی امر مخصوص تحریری اوزرینه معامله جاریه و تأدیباتک اسباب موجب سیه امر تحریری حبسخانه کاتبی طرفندن طوتیه جق دفتر مخصوصه فیدو موقع اجرایه وضع اولنسی و بر محبوس ویا موقوف طرفندن ده آخر بر حال و حرکتیه ویا بر شخصی ضرر ایقاعنه تصدیقی و الحاصل مجازات قانونیه تعیینی ایجاب ایتمیره جک بر حاله جراتی حالده مقتضیات قانونیه نك دخی بشقه جه اجراسی مقتضیدر.

بو کي حبسخانه ل داخلنده محل آسایش احواله مجاسرت ایدن محبوسینك همان دیگر محالره نقللری جهتنه کیدلیوب حقلرنده احکام قانونیه نك تطبیقی و حبسخانه مدیر و مأمورلردن ایفای وظیفه خصوصنده اظهار عجز ایدنلرک تبدیلیله یرلینه اوصاف مطلوبه و شرائط لازمه یی حائز اولانلرک انتخاب و تعیینلری ایله

بیوریلان ۲۰ كانون ثاني سنه ۳۲۸ تاريخي و ۱۵۱۹ نومرولو مضبوطه عدليه مديري بولنيان محالرده حبسخانه لرده جاري و مرعي اصول و قواعد مغاير حرکاتده بولنان ۸۰ مایس سنه ۹۶ تاريخي حبسخانه و توقیفخانه ل نظامنامه نك سکسان بشنجی ماده سنده توفیقاً تأدیبی لازم کلان محبوسین و موقوفینك تأدیبلری اولباده کي معامله توفیقاً کما کان استیناف مدعی عمومیلری طرفندن اجرا ایلمسی لازم کله جکی کوسترلش و استیناف مدعی عمومیه یی بولنیان لوار ایله تشکیلات عدلیه سی اجرا ایلمش اولان قضالرده بو وظیفه نك لوا و قضا مدعی عمومی معاونلری و تشکیلات عدلیه سی هنوز اکال ایلمیان قضالرده دخی بدایت محکمه سی رؤسای طرفندن اجراسی مناسب اوله جینی درکار بولنش و حبسخانه و توقیفخانه داخلنده ایقاع جرم ایدن محبوسین و موقوفینك ثابت اوله جق فعل و حرکتلرینه کوره حکماً تعیین و تشدید جزا اوله جینی کي یوکسک صدا ایله چاغروب باغرمق و کورلتی ایله اجتماع و مجتمع بر صورتده استدعا اعطا ایتک کي حرکات دخی حبسخانه ل نظامنامه سی احکامی موجبنه اساساً ممنوع و سابقه لی طاقندن بولنان وضابطه جه سوء احوالی مثبت اولان اشخاص حقنده اوله جق معامله مذکور نظامنامه نك یتش یدنجی و محبوسینك منفرداً ویا متحداً قغوشلرده و تنفس محاللرنده یکدیگرینه قارشو ضرب و جرحه جرأت ایتمکلی ویا خود هر نه صورتله اولورسه اولسون فرار ایتک قصدنده بولندقلری و سائر درلو فناقله اطاعت و اخطارات لازمه یه ده انقیاد ایتمکلی و اوچ دفعه اخطارات مقتضیه اجرا اولوبده اطاعت ایلمکلی تقدیرده قوه مسلحه طرفندن سلاح استعمالیه منع اوله جینی سکسان دردنجی ماده لرنده مصرح و توقیفخانه و حبسخانه ل جاري و مرعي اصول و قواعد مغاير حرکاتده بولنانلر حقنده اداره اجراسی لازم کلان تدابیر شدیده نك انواع و درجاتی دخی سکسان بشنجی و اصول محاکمات جزائیه قانوننك درتیوز الی سکرنجی ماده لرنده معین اولدینی حالده حبسخانه ل انضباطی اخلاصه جرأت ایدنلر حقلرنده بو اصول و تدابیره توسل و احکام قانونیه بحق تطبیق و اجرا ایدیله رك بر چوق یرلردن دیگر محالره نقللرینه لزوم کوسترلیمکده و حالبوکه ولایات والویه حبسخانه لری حتی کندی موجود حاضرلرینی بیله استیعابه کافی اوله میه جق بر حال و شکله بولنسی یوزندن مشهود اولان مشکلاتدن صرف نظر بعض اسباب عادیه اوزرینه بوقبیل محبوسینك دیگر محالره نقلنده خزینة دولته اختیار اولنه کلان مصارف کلی بریکونه بالغ اولقله برابر احوال نامرضیه سی اعتباریه بر محالدن دیگر محله نقل اوله جق محبوسین سبب نقلی اولان احواله اوراده دخی مجاسرت ایدرک کیفیت نقل یالکنز خزینة دولتی اضراردن بشقه بر فائده یی تأمین ایده مامکده بولنش و بعض محالرده دخی حبسخانه مستخدمینك ضعف مراقبه و اداره سی و بضاده بونلرک شخصی اغرار و انفعال نتیجه سی اوله رق بلا موجب مأمورین ملکیه یه مراجعتله موقعلرینك تبدیلی اسبابه توسل ایتمکده اولدقلری منفهم اوله رق بو حالک دوامی ایسه بالطبع شایان تجویز کوریه مامش و اسباب مبرمه و ضروریه یه مستند اولمدینی حالده محبوسینك بر محالدن دیگر محله نقلی کي معاملات محل قالماسنك

جهات سائر حقنده نظارت شناوریدن سبق ایدن اشعار اوزرينه ۲۶ كانون ثاني سنه ۳۲۸ تاريخي تحريرات عموميه ايله ولايات والويه غير ملحقه يده تبليغ اولديني داخله نظارت جليله سندن جواباً بيلدیرلش اولغله حالات مماثلده تفصیلات سروده واحكام قانونيه دائره سنده ايفای معامله و حبس خانه مستخدمينك بو صلاحيت قانونيه لرني سوء استعمال ايتمه رك لازمه عدل و قانونك تمامی ايفاسنه متدياً اعتنا و دقت اولنمی ضمننده اشبو تحريراتك نسخ مطبوعه كافيه سي لفا ارسال قلمشدر .

اعلامات

محكمة تمييز هيئت عموميه سروري

محكمة تمييز هيئت عموميه سروري صادر اولاره ۲۸ سباط سنه ۳۲۸ تاريخي و ۲۲۲۴ نومرولي اعلام صورتيه :
«مراجع دعوى»

قونيه نك غازي علمشاه محله سنده مقيم تجاردين سيمونا كي دكر منجي اوغلي افندي ايله چقته نردبان محله سنده ساكن كذلك تجاردين قيو مجيان ساغل افندي بيننده متحدث دعوايه دائر قونيه ولايتي مركز بدايت حقوق محكمه سندن ۱۱ حزيان سنه ۳۲۸ تاريخي ويوز يتمش عدليه ويريلوب مزبور سيمونا كي افندي طرفندن تميزاً تدقيق استدعا قلنان اعلامك متضمن اولديني حكمك قرار سابق منقوضه ثبات واصراري حاوي اولديني اتفاقه قرار كير اولدقدن صوكره اعلام مذكور يالكز مستدعينك اعتراض لايحه سي وباش مدعي عموميك مأموريت عليه سنك مطالعه نامه سيله برابر هيئت عموميه جه بالمطالعه تدقيقات تميزيه اجراسنه ابتدار قلندي .
اعلام مذكور مندرجاتنه نظراً مومي ايله سيمونا كي افندي محكمه مذكورده باعرض حال مراجعتله كندوسنك مزبور ساغل افندي ايله منعقد شركت حساباتندن الهجنى اولان اوتوز بشيك غروش ايله ميمزلر معرفيله تدقيق اوله جق حساب نتيجه سنده باشقه جه تبين ايده جك آله جعك تحصيل حقنده اقامه ايلديكي دعوانك جريان ایدن محاكمه و تدقيقاتي نتيجه سنده مدعينك وظيفه دار اوليان محكمه يه مراجعتي كان لم يكن اولوب مرور زمانى قطع ايده ميه جكندن ولدى الدقيق دعواى واقعه ده مرور زمان بولنديغندن ردينه دائر صادر اولان اعلامك تميزاً وظيفه نقطه سندن نقض و اعاده سي اوزرينه سبق ایدن محاكمه نتيجه سنده دعواى واقعه ده مستند دعوى اولان شركت قسماً زراعت و قسماً حيوان يتشديروب صامق ايچون طرفين بيننده تشكّل و انعقاد ايدرك اغليت اوزره معقوده زراعت اولوب بوايسه امور عاديده بولمنسه وشو صورتله دعواى حادثه ني رويته محكمه حقوقك وظيفه دار اولديني آشكار و تميز قرارنده كي عدم اصابت ايسه بديدار اولمنسه ميني قرار سابق منقوضه اصرار اولنديني آكلاشيلمشدر .

مستدعي تميز طرفندن ويريلن لايحه ده دعوى امور عاديده دن متولد اوليوب بين الشركا حادث اولان بردعوى بولنديني و شركت ايسه قصد تجارتله تشكّل ايتش اولديني و بوندن دولاي و قيله تجارت محكمه سنده دعوى اقامه ايدرك وظيفه نقطه سندن رد و حقوق محكمه سنده مراجعتنده اولكي مراجعتي نظره آلميه رق مرور زمان دولاي سيله كذلك رد دعوى ايدلديكي جهته دعواى نتيجه سز قالدني و محكمه تميزك نقض قرارنده كي اصابت قانونيه بونقطه نظرندن بديه بولنديني حالده محكمه جه اصراره حكم اولنسي يولسز و مغاير قانون اولديغندن بحثله اعلامك نقض استدعا قلندش و سالف الذكر مطالعه نامه مفادى ايسه محكمه جه تميز قرارينه تبعيله وظيفه دار اولنديني دعواى واقعه ني رويت ايلماك لازم كلورك كن قرار منقوضه ثبات اولنسي مغاير قانون اولديني بيانندن عبارتدر .

ايجابي مذاكره اولندقدن محكمه جه معقود عليه بولنان شركت قسماً زراعت و قسماً حيوان يتشديروب صامق ايچون طرفين بيننده تشكّل و انعقاد ايدرك اغليت اوزره معقوده زراعت اولوب بوايسه امور عاديده دن بولنديني بيانيله دعواى واقعه نك رويتي حقوق محكمه سنده عايد اولديني ذهابيله قرار سابق منقوضه ثبات و اصرار اولنسي ايسه ده مقدما تميز حقوق دائره سنجه طرفين ميانه سنده منشأ دعوى اوله رق تحث ايدن معامله قصد تجارتله وقوع بواش اولمنسه نظراً دعواى واقعه نك مرجع رويتي تجارت محكمه سي بولنديني حالده خارج از وظيفه حقوق محكمه سنده فصل و حسم ايدلمسك مغايرت قانونيه سندن دولاي اولابده كي اعلامك وظيفه نقطه سندن تقضيله عايد اولديني تجارت محكمه سنده حواله سنه دائر قرار اتخاذ اولنش وشو حاله كوره مذكور محكمه نك حقوق صفتيله سالف الذكر دعواي رويت ايتك حقي قالماش ايكن خلاف قانون مذكور دعوانك فصل و رويته بالابتدار قرار سابق منقوضه ثبات و اصرار اولنسي يولسز و مغاير قانون اولديغندن اصول محاكمه حقوقيه قانوننك ايكوز اوتوز ايكنجي ماده سي موجبجه اعلام مذكورك تقضيله قانون مزبورك ايكوز قرق طقوزنجي ماده سي حكمه توفيقاً كيفيتك تجارت صفتيله بالرؤيه اعلامه ربطى ضمننده محكمه مذكورده اعاده سنه واشبو دعواندن دولاي اختيار اولنوب زيرده مفرداتي مرقم بولنان مصارف تميزيه نك ايلروده حقسنر حيقه جق طرفه عايد اولمنسه ۳ كانون ثاني سنه ۳۲۸ تاريخنده هيئت عموميه جه بالاتفاق قرار و يرلدى .

محكمة تمييز استدعا دائره سروري

محكمة تمييز استدعا دائره سروري صادر اولاره ۲۹ ايلول سنه ۳۲۸ تاريخي و ۱۷۶۳ نومرولي اعلام صورتيه :
« مواد جزائيه ده دلائل و امارات سائر ايله تأيد ايدن خبر واحدك مدار حكم اتخاذا مجازدر »

طر بزون ولايتي مركز بدايت محكمه سي جزا دائره سندن استينافاً تنظيم واعطا و ۷ كانون اول سنه ۳۲۶

تاریخچه امر تفهیمی اجرا قلنان ۲۵ حزیران سنه ۳۲۸ تاریخ و بیک اوتوز نومرولی اعلامک تمیزاً تدقیقی طلبنی حاوی محکمه مذکور مدعی عمومیلکی جانبندن معطی استدعا نامه و اوراق متفرعه سی باش مدعی عمومیلک مأموریت بهیه سندن باتبلیغنامه محکمه تمیز استدعا دائره سنه تودیع اولمش ولدی التدقیق مذکور استدعایه مذکور مدت معینه قانونیه سی ظرفیده ویرلیدیکی آ کلاشلمش ایدو کندن بالقبول تدقیقات تمیزیه اجرا سنه ابتدار اوندی.

اعلام مذکورک خلاصه مالی : اورمان قوریجیدی علی چاوش ایله عبدالله اطاله لسانده بولندینی ادعا قلنان سلیمانک تحدید جزا سنه دائر لاحق اولان حکم ابتدائی علمیده محکوم مرقوم جانبندن استیناف اولمش اوزرینه سبق ایدن محاکمه و تدقیقات استینافیه نتیجه سنده مظنون سلیمانک فعل مذکور جرأتی شاهد واحدک اخباراته منحصر اولوب شاهد واحدک شهادتیه حکم اعطای ایه غیر جائز ایدو کندن بحکله حکم ابتدائیک بالفسخ مرقومک برائته قرار ویرلیدیکی متضمندر .

لایحه تمیزیه ده محکمه استینافیه جه حکم ابتدائیک فسخی متعاقب تکریر محاکمه قاعده قانونیه سنه رعایت و مدعی عمومیلک مقامک اساس ماده حقنیده کی مطالعه سی استماع اولمشقیزین برائت قراری ویرلمسی یولسز و مغایر قانون ایدو کندن بحکله اعلام ابتدائیک نقضی طلب اولمش و تبلیغنامه ده دخی اعتراض مذکورک مندرجات اعلامه نظراً وارد و مستلزم نقض اسباب قانونیه دن اولمدینی بیانیله تمیز استدعایه سنه ردی لزومی کوسترلشددر .

ایجابی لدی المذاکره درجه اولی محکمه سنجه حقوق عمومیه شهودی اوله رق جلب و استماع اولنان عمرین احمدک اولابده کی اعلامده محکی اخباراته نظراً مظنون مزبور سلیمانک اطاله لسانه جرأتی آ کلاشلماقده اولدینی و مواد جزایه ده دلائل و امارات سائر ایله تأید ایدن خبر واحدک مدار حکم اتخاذی مجاز بولندینی حالده محکمه استینافیه جه شاهد مرقومک اخباری مویده و دلائل سائر موجود اولوب اولمدینی کیفیتی نظر دفته آلمقیزین و مظنون مزبورک تحدید جزا سنه دائر لاحق اولان حکم ابتدائیک خبر واحد استنادی نقطه سندن فسخ ایداش اولسنه کوره بعدالفسخ مدعی عمومیلک مقامندن جرمک سائر صورتله اثبات اولنوب اولنه میهنی کیفیتک استفساری و حاضر بولسان مظنون ایله مشکیکلرک ادعا و مدافعاتک دخی استماعی صورتیه تکریر محاکمه قاعده سنه رعایت اولمشقیزین مظنونک تحدید جزا سنه دائر لاحق اولان حکم ابتدائیک بروجه محرر فسخیه بلا محاکمه برائت قراری ویرلمسی یولسز و مغایر اصول و قانون اولوب لایحه تمیزیه محتویاتی وارد و مجا کورنمش ایدو کندن اصول محاکمات جزائی قانونک اوچیوز اون دردنجی و اوچیوز اون طقوزنجی ماده لری موجبجه اولابده کی اعلام استینافیک اسباب محرره دن ناشی تقضیه احکام قانونیه دائره سنده ایفای معامله اولنقی اوزره اوراق متعلقه سنک محکمه مذکوریه اعاده سنه و ایکی یوز غروش اعلام خرجک تعرفه و تعلیمات مخصوصه سی منظوقنجه بالاخره ایجاب ایدن طرفدن اخذینه ۵ آغستوس سنه ۳۲۸ تاریخچه متفقاً قرار ویرلیدی .

مجلسه تمیز استدعا دائره سنه صادر اولده ۳۰ ایلول سنه ۳۲۸ تاریخی و ۱۹۰۰ نومرولی اعلام

« فل ضربک ایفای وظیفه قارشو وقوی نقطه سندن بو بایده شکایتنامه تحریسنه لزوم اولمایوب مدعی عمومینک طلب و ادعاسنه بناءً اجرای تحقیقات و محاکمه دوام اولنقی مقتضی اولدینه دائر »

یانیه ولایتی استیناف محکمه سی جزا دائره سندن تنظیم واعطا ۱۶ حزیران سنه ۳۲۸ تاریخچه امر تفهیمی احرا قلنان ۲۰ حزیران سنه ۳۲۸ تاریخی اعلامک تمیزاً تدقیق طلبنی حاوی محکمه مذکور مدعی عمومیلکی جانبندن معطی استدعا نامه ایله اوراق متفرعه سی باش مدعی عمومیلک مأموریت بهیه سندن باتبلیغنامه محکمه تمیز استدعا دائره سنه تودیع اولمش ولدی التدقیق مذکور استدعایه مذکور مدت قانونیه سی ظرفیده اعطا قلندینی آ کلاشلمش اولدینندن بالقبول تدقیقات تمیزیه اجرا سنه ابتدار ایدلیدی .

اعلام مذکورک خلاصه مالی پولیس حسیب افندی بی ایفای وظیفه اناسنده ضرب و جرح ایله برابر قلنجی آلوب باغچه آتمسندن طولای مظنون علیه اولان شفقتی افندینک قانون جزانک یوز اون دردنجی ماده سی حکمنه توفیقاً آلتی ماه حبسنه و پولیس حسیب افندینک مومی ایله شفقتی افندی ضرب ایتک ماده سندن طولای برائته دائر بدایه لاحق اولان حکمک مظنون مومی ایله جانبندن استیناف اولمش اوزرینه اسباب قانونیه دن طولای فسخیه سبق ایدن تدقیقات نتیجه سنده جاده اوزرنده سرعتی حکمک افعال ممنوعه دن اولمدینی جهته هیچ برجرمی اولیان کسه بی پولیسلرک یولندن توقیف ایلک صلاحیت قانونیه سی جائز اولماق لری حالده مومی ایله شفقتی افندی بی بوصورتله پولیس مومی الیهک یولندن توقیف ایتسی وظیفه اجرا ایدلمش بر معامله اولمدینغه نظراً بوندن متولد منازعه و مضاربته نک ایفای وظیفه دن انبعاث ایتش بر ضرب فعلی اوله میهنه و بناءً علیه مظنون شفقتی افندی طرفندن وقوعه کتورلیدیکی ادعا ایدیلان ضربک عادی منازعه دن متولد افعال ضربیه دن بولندینغه اکثریت مطلقه ایله و قانون جزانک یوز یتش طقوزنجی ماده قائمه سی علاوه سی موجبجه اون کوندن زیاده خسته لکی موجب اولمش میدانده بر ضرب فعلی بولمایوب مظنون علیه ضرب عادی طولای دوچار مجازات ایدلسی ایه استدعا اعطاسنه متوقف اولدینندن بویولده استدعا ویرلمکیزین تسبیب مجازات جائز اولمدینغه اکثریت ثلثان آرا ایله قرار ویرلیدیکی متضمندر .

لایحه تمیزیه ده مظنون علیهک یاننده بولنان کسان ایله بر لکده کیجه طار برسوقاقدن متلاشی بر حالده حکمکده اولملرندن حصوله کلان شبهه اوزرینه حسب الوظیفه معیتنده بولنانلرله دوریه کز مکده اولان پولیس حسیب افندی طرفندن ویریلان طور امری صفا ایتیه رک تحقیراته و ضربه جرأت ایلدیکی شهودک اخبارات ایله ثابت اولدینی حالده محکمه استینافیه جه بورالری نظر دفته آلمقیزین بروجه محرر اتخاذ قرار اولمش

مخالف اصول وقانون ایدوکندن بحثله ذکر اولنان اعلام استینافینک تقضی طلب اولدینی کبی تبلیغنامه ده دخی ضرب فعلی ایقای وظیفه اثناسنده وقوعبولمشیکن درجه ثانیه محکمه سنجه بوجه محرر قرار ویرلسی یولسر اولدیغنه دائر لایحه تمیزیه ده سرد ایدیلان اعتراضات تماماً وارد ومصیب اولوب محاکمه ضبطنامه سنک برنجی صحیفه سنک اون یدنجی سطرنده محرر اولدینی وجه اوزره مضروب دینلان پولیسک لیه وقعه ده دوریه وظیفه سیله مکلف اولدینی ژورنال مندرجاتی ایله مثبت بولدینی وکیجه لین طارسوقاقدن تلاشله وسرعتله قاحقه ده اولان مظنون علمی طور دیره رق تحقیق حال ایتک پولیسک جمله وظائفندن بولدینی حاله بواننده مظنون علیه طرفندن ایقاع ایدلمش اولان ضربه وظیفه خارجنده وقوعبولمش نظریله باقلمسی بسبتون مغایر قانون بولنش وجنجه موادنده اکثریت ثلثان آرا تعیرینک استعمالی دخی نابجا کورنش اولسنه مبنی اعلام مذکورک تقضی لزومی کوسترلمشدر .

ایجابی لدی المذاکره مندرجات اعلامدن مفهم اولدینی اوزره مظنون مومی ایله شفقتی افدینک کیجه ساعت اوچ راده لرنده رفیقله معاً متلاشیانه بر صورتده سوقاقدن مرور ایتکده اولملرندن حاصل ایلدیکی شبهه اوزرینه دوریه وظیفه سیله محل مذکورده بولنان پولیس حسیب افدینک اجرای تحقیقاته تشبث ایتدیکی صرده مظنون مومی ایله جانبندن ضرب ایلدیکی ضبط ورقه سی محتویاتی و اخبارات واقعه جمله سندن اولسنه وپولیس مأمورلرینک بوکی شبهه یی داعی احوالده تدقیقات ایفاسنه صلاحیتلری درکار بولسنه نظراً فعل ضربک ایقای وظیفه یه قارشو وقوعی نقطه سندن بوباده شکایتنامه تحریسه لزوم اولمایوب مدعی عمومینک طلب و ادعاسنه بناء اجرای تحقیقات و محاکمه دوام اولمق مقتضی اولدینی جهتله محکمه استینافیه جه اولباده کی اعلام ابتدائینک فسختی متعاقب جریان ایدن محاکمه اثناسنده بورالری نظر دقته آلهرق وفعل ضرب مذکورک اولاً قننی طرفدن وقوعی حقه ده توسیعاً تحقیقات اجراسی تطبیقات قانونیه نقطه سنجه حائز تأثیر اولسندن ناشی لازم ولابد اولسیله کرک بوجهت وکرک اخبارات واقعه ایله دلائل وامارات سائرته نک حکمه کافی اولوب اولمادیغنه تعلق ایدن کیفیت موقع بحث ومذاکره یه قونیلهرق نتائج حاصله یه کوره اتخاذ قرار اولمق ایجاب ایدر ایکن عندالاستیناف مظنون مومی الیه کیجه لین سوقاقدن سرعتی یکمش اولسی افعال ممنوعه دن اولمادیغی وبناء علیه بوکی احوالده مومی ایله حسیب افدینک مظنونی توقیفه صلاحیت بولمادیغی یولنده سرد مطالعات ایله فعل ضربک عادیاً وقوعندن و بوباده شکایتنامه موجود اولمادیغندن بالبحث ایشک حال حاضر یله اجرای تعقیباتی غیر جائز اولدینی یولنده وعدم صلاحیتی تضمن ایدر صورتده اتخاذ قرار اولمسی یولسر ومستلزم تقض احوالدن اولوب لایحه تمیزیه محتویاتی وارد وبجا کورنش ایدوکنه اصول محاکمات جزائییه قانوننک اوچوز اون دردنجی و اوچوز اون طقوزنجی ماده لری منطوقنجه قرار استینافی مذکور اعلامنک بوندن طولای نقضیه احکام قانونیه دائره سنده ایقای مامله

اولمق اوزره اوراق دعوانک محله اعاده سنه و ایکوز غروش اعلام خرجنک تعرفه وتعلیمات مخصوصه سی موجبنجه حقسنر چیه جق طرفدن استینافسنه ۱۸ اغستوس سنه ۳۲۸ تاریخده متفقاً قرار ویرلدی .

محکمہ تمیز حقون دائره سنده صادر اولده ۲۶ سباط سنه ۳۲۸ تاریخی و ۲۳۶۷ نومرولی اعلام صور تیرر :

«اجراجه قابل حل اولیه جق و زمان اجراده مشکلات حدوثنه سببیت ویره جک

صورتده قرار ویرلسی موجب نقضدر»

طرسوسک ارمنی محله سنده مقیمان قره بت اوغلی بغوص ایله خرماندار اوغلی بغوس بیتنده متکون دعوا یه دائر طرسوس بدایت محکمه سندن ۱۹ حزیران سنه ۳۲۸ تاریخی و آلتمش یدی عددی ایله ویریلوب مرقوم قره بت اوغلی بغوص طرفندن تمیزاً تدقیقی استدعا قلنان اعلام طرفینک اعتراض و جواب لایحه لر یله برابر بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه کوره مزبور خرماندار اوغلی بغوص طرسوس بدایت محکمه سنه با عر ضحال مراجعتله مرقوم قره بت اوغلی بغوصدن الهرق بدل معلوم مقابلنده ترهین ایلدیکی ارمنی محله سنده کائن معلوم الحدود خانه نک حادثه زائلده محترق اولسندن طولای رهنیتی قالمایوب خزینهدن آلدینی اوتوز لیرا ایله مجدداً انشا ایلدیکی خانه رهنده داخل اولمادیغی وعرصه ایسه اساساً مرهون بولمادیغی حالده اجرادائرده سنجه خلاف اصول مذکور خانه یه حجز وضع ایدلمش اولدیغندن حجز موضوعک فکیله طاپو دائره سندن مرقوم بغوص ناسنه ویریلان سند خاقانینسک ابطالی طلب ودعوی ومدعی علیه قره بت اوغلی بغوص دخی ترهین اولنان برخانه نک عرصه سی دخی رهنده داخل بولنوب یوقسه خانه آرو عرصه آرو اولهرق رهن ایدیلهمیه جکی جهتله مدعینک بوباده کی دعواسنک ردینی مدافعه بیان و انبا ایللری اوزرینه اجرا قلنان محاکمه وکشف وتدقیقات نتیجه سنده اولباده کی رهن سندنه منازع فیه عرصه نک رهنده داخل اولدیغنه دائر برکونا قید اولمادیغی لدی الاستعلام طاپو اداره سندن مورود تذکره جوابیه مؤداسیله تحقیق ایتمش وسالف الذکر عرصه اوزرینه جانب حکومتدن اعانه اولهرق ویریلان اوتوز لیرا ایله انشا ایلدیکی مدعینک سبق ایدن اقرار یله متین بولمسنه بناء سالف الذکر اوتوز لیراده مدعی علیک حق مطالبه سی باقی قالمق اوزره مدعی علیک سالف الذکر خانه یه واقع اولان مداخله سنک منعی ومدعی علیه نامته ویریلان سندک ابطالیه مدعی نامنه یکیدن سند اعطاسنه دائر ویریلان اعلامک عندالتمیز بعض اسباب قانونیه یه بناء نقض واعاده اولمسی اوزرینه محکمه مذکورجه بتکرار جریان ایدن محاکمه وتدقیقات نتیجه سنده مرتهنک عرصه ایله انتقاضی بالمزایده الاجتنه تقاض ایتسی لازم کلوب یوقسه راهن طرفندن مجدداً انشا اولنان خانه نک رهنده داخلدر دیو دائره اجرانک بالمزایده مرتهن نامنه حاله قطعیه سنک اجراسیله نامنه سند اعطاسی موافق

اوله میه جغه و عرصه نك رهندن خارج اولمسیله دائرة اجراجه یا پیلان معامله نك كان لم یکن حکمنده اولمسه بناء مدعی علیهک محترق اولان خانه نك انقاضیه عرصه نك یکی باشند بالفروخت اتمانندن آلاجهنی تقاص ایلمسه و خانه قیدینک دخی اولوجهله لزوم تصحیحه حکم و قرار ویرلدیکی اکلاشلمشدر .

مستدعی طرفندن ویریلان لایحه ده : مذکور خانه نك محترق خانه نك انقاضی احجاریله اعمال ایلدیکی حقننده درمیان ایلدیکی ادعاسنک نظر دفته آلمانسی و مذکور خانه نك عرصه سیله برابر بالمزاید نامنه حاله سی اجرا و سندن خاقانسی اعطا قلندقدن اوچ سنه صکره مدعینک اقامه ایلدیکی دعواسنک قبول و حکم اولمسی یولسز و مغایر قانون اولدیغندن و اعتراضات سائر دهن بختله اعلامک نقضی و لایحه جوابیه ده دخی غیر وارد اولان اعتراضات مذکور نك ردیه موافق اصول و قانون اولان اعلامک تصدیق طلب و استدعا قلنمشدر .

ایجابی لدی المذاکره کیفیت هر نه قدر بر منوال محرر حکم و اعلامه ربط اولنمش ایسه ده بعد الاحتراق موجود اولان تملر کبی ابنه نك و برده بنادن منفصل اوله رق انقاض حاله رجعت ایتدکدن صکره راهنک بناسنه ادخال ایده رک استهلاک ایلدیکی انقاضک زمان استهلاکده کی قیمتی تقدیر ایتدیریلرک کرک بونک بدلی و کرک نفس عرصه مرهون اعتبار و برای ایفای دین بیعه محتاج اولان قسمنک بیعی تحت حکمه آلمق لازم کلور ایکن بوجهت لر اعلام میزیده تقریق ایدلیه رک اجراجه قابل حل اولیه جق و زمان اجراده مشکلات حدوثنه سببیت ویرجهک صورتده قرار ویرلمسی یولسز اولدیغی کبی راهن طرفندن مذکور عرصه ده بعد الحریق مجدداً انشا ایدیلان ابنه نك هدمیه مرهونک زمان حریقده کی هیئت اعلیه سنک اعاده ایتدیرلمسی و بو وجهله مرتهنک حق استیفاسنک تحت امنیتده بولندیرلمسی لازم کلور ایکن محکمه جه بو جهتلر تأمل ایدلمکسزین بوجه مشروح قرار ویرلمسی یولسز و مغایر قانون اولدیغندن اصول محاکمه حقوقیه قانوننک اکیوز قرق برنجی ماده سی موجبجه اعلام مذکورک تقضیه قانون مزبورک اکیوز قرق دردنجی ماده سی حکمنه توفیقاً کیفیتک اصول مشروحه دائره سنده بالرؤیه اعلامه ربطی ضمننده محکمه مذکوریه اعاده سنه و اشبو تمیز دعواسندن طولای اختیار اولنوب زیرده مفرداتی مرقم مصارفک ایلروده حقسز چیه جق طرفه عائد اولمسه ۱۶ تشرین اول سنه ۳۲۸ تاریخده متفقاً قرار ویرلدی .

محکمه تمیز حقوق دائره سنده صادر اولان ۲۶ شباط سنه ۳۲۸ تاریخ و ۱۱۱۱ نومرولی اعلام صورته بر :

« مدعی اراضی منازع فیهای عادیاً یعنی مأمورینک اذنی اولمقسزین تفرغ ایلدیکی ادعا ایلدیکی جهتله ادعای واقعی قانوناً غیر مسموع اولدیغنه دائر »

دفتر خاقانی اداره سیله لاذقیه تابع مرخو قریه سنده مقیم علی بن حسن الدالی بیننده متحدث دعوايه دائر لاذقیه بدایت محکمه سندن ۳ تشرین ثانی سنه ۳۲۶ تاریخی و یتش سکنر عدلیه ویریلوب اداره مذکور

طرفندن تمیزی استدعا قلنان اعلام باش مدعی عمومیک مأموریت علیه سنک مطالعه نامه سی آلدقدن صکره یالکنر مستدعی تمیزک لایحه اعتراضیه سیله بالمطالعه تدقیقات تمیزیه اجراسنه ابتدار قلندی .

اعلام مذکورک خلاصه مندرجاته کوره مزبور علینک عادیاً تفرغ صورتیه یکریمی بش سنه دنیرو تحت تصرفنده بولنان معلوم الحدود یدی قطعه نصف ترلنک محلولیتدن بختله دفتر خاقانی اداره سنجه موقع مزایده قونولدیغندن داخله واقع نك منعی طلب و دعوی و مدعی علیه اداره مذکور و کیلی دخی اراضی مذکور محلول بولندیغنی و فراغ عادی ایه تفرغک تلقی فضولی اولدیغنی افاده و ادعا ایللری اوزرینه ذی الیدلک بالینه ثابت اولدقدن صکره طایو مأموری و مدعی عمومی حضور لرله جریان ایدن محاکمه و تدقیقات نتیجه سنده اراضی منازع فیهایک یکریمی بش سنه دنیرو مدعینک تحت تصرفنده اولدیغنی عندالتذکیه عدل و مقبول الشهاده اولدقلری تبیین ایدن شهودک شهادتیه ثابت اولدیغنه بناء بختله نك بیك سکنر یوز اون سکنر نجی و اراضی قانوننک یکرمنجی و یتش سکنر نجی ماده لری موجبجه دفتر خاقانی اداره سنک منع معارضه سنه قرار ویرلدیکی آکلاشلمشدر .

مستدعی تمیزک اشبو قرار علینده لایحه سنده محرر اعتراضاتک باشلوجه سی مدعی ادعاسنده اراضی منازع فیهای عادیاً تفرغ ایتدیکنی اقرار ایلدیکی حالده محکمه جه تصرف مذکورک حق قراره اساس اتخاذ اولمسی مغایر اصول و قانون اولدیغندن بختله اعلامک نقضی استدعاسندن و سالف الیابن مطالعه نامه مفادیده اعتراض مذکورک مصیب بولندیغنی بیانیله اعلام میزیهک لزوم نقضی بیانندن عبارت بولنمشدر .

ایجابی لدی المذاکره خصوص مدعا هر تقدیر بوجه محرر بالرؤیه اعلامه ربط اولنمش ایسه ده مدعی اراضی منازع فیهای عادیاً یعنی مأمورینک اذنی اولمقسزین تفرغ ایلدیکی ادعا ایلدیکی جهتله ادعای واقعی قانوناً غیر مسموع ایکن محکمه جه دعوی مذکورک قبولیه بوجه مشروح حکم اولمسی مغایر اصول و قانون اولدیغنه بناء اصول محاکمه حقوقیه قانوننک ایکی یوز اوتوز ایکنجی ماده سی موجبجه اعلام مذکورک تقضیه قانون مزبورک ایکی یوز قرق دردنجی ماده سی حکمنه توفیقاً کیفیتک تکرار بالرؤیه اعلامه ربطی ضمننده محکمه مذکوریه اعاده سنه و زیرده مصارف تمیزیه نك ایلروده حقسز چیه جق طرفه عائد اولمسه ۷ تموز سنه ۳۲۷ تاریخده متفقاً قرار ویرلدی .

محکمه تمیز حقوق دائره سنده صادر اولان ۲۸ شباط سنه ۳۲۸ تاریخ و ۳۶۹۱ نومرولی اعلام صورته بر :

« جبر ایه اقرار بالکتابه نك معتبر اولدیغنه دائر »

قونیه ولایتی داخلنده تکه سنجاغنه مربوط المالو قصبه سنک طوفولر محله سنده مقیم ابدال موسی درکاهی تره داری هاشم افندی ایه بیننده متحدث دعوايه دائر المالو تضامی بدایت محکمه سندن ۱۴ تشرین ثانی

سنه ۳۳۷ تاریخی و یکریمی بش عدلیه صادر اولان اعلامک تمیزی مستدعی قضای مذکورک تکه قریه سنده ساکن حاجی اوغلی صالح طرفندن محکمه تمیز حقوق داره سنه اعطا قلوب استدعا دفترینک ۳۶۹۱ نومرو سنه قیدی اجرا قلمان ۸ کانون ثانی سنه ۳۲۷ تاریخی تمیز عرض حالیه مربوطی لایحه واشبو تمیز دعوا سنده نطولانی اعطاسی مقتضی کفالتنامه اعطا اولنمق صورتیه شرائط قانونیه نک ایفا اولنمسی اوزرینه اصول محاکمه حقوقیه قانوننک ایکوز یکریمی بش و ذیلنک اوتوز اوچنجی ماده لری احکامنه توفیقاً تبلیغات لازمه ایفا قلندقدنصکره اولبابده وقوعبولان طلبه بناء طرفینه اصولاً دعوتیه ورقه سی تسطیر و تسیر قلندی حلاله اجابت ایتمام لری اوزرینه علی الاصول غیاباً تدقیقات تمیزیه اجراسنه ابتدار قلندی .

ایجابی مذاکره اولندقدن ذات دعوی مومی الیه هاشم افندی طرفندن قریه مذکورده ابدال موسی اوقافی اراضی سندن مرقوم صالحه ایجار ایدیلان اوتوز آلتی دونم اراضینک اوچیز یکریمی آلتی و یکریمی یدی سنه لری ایجاری اولان قرق بش کیل المالو ذخائرک عیناً اوله مدینی صورتده بدلی اولان اوچیز طقوز غرو شک تفرأ مع مصارف محاکمه تحصیل طلبندن و قرار میزبه ایسه مدعینک ادعاسی ابراز ایتدیکی برقطه سنده مستند اولمغه ایجار مذکور قرق بش کیل المالو ذخائرک مدعی علیهدن بالتحصیل مدعی به اعطاسنه حکمدن عبارت اولوب مستدعی تمیزک لایحه تمیزیه سنده مندرج برنجی ایکنجی اعتراضی مذکور اراضینک و قفیتنک و مدعینک صفتنک تدقیق اولنمسی نقطه لرینه منحصر اولوب حالبوکه مدعی عاقد اولمسیله مأجور وقف اولسه و حتی غیرک مالی بولسه دخی اجاره بی عقد ایدن موجبک حقوق عقد عاقده عائد اولمق ملاسه سیله محله نک ۱۶۴۱ ماده سی موجبجه بد اجاره بی طلبده حق درکار اولمغه بو جهاته متعلق اعتراضات وارد دکلسه ده مذکور سندن یدندن جبراً آلدینی حقنده کی اوچنجی اعتراضی بالتدقیق آنجق اسباب آتیه دن طولانی یعنی اولا دعوی وقفه متعلق اولدیغنه کوره تشکیل محاکم قانوننک التمش بش و یتش برنجی ماده لری موجبجه اثنای محاکمه ده مدعی عمومی حاضر بولندیریلررق نتیجه محاکمه ده تحریری و شفاهی مطالعه سی آنمق لازم کلور ایکن النامسی ثانیاً مدعی علیه مذکور سند قوه ضابطه نک تضییق اوزرینه یدندن جبراً آلدیغنی ادعا ایتش و بو جهتنک ثبوتی تقدیرنده محله نک بیک بشیوز یتش بشنجی ماده سنده ممرح اولدینی و جهله جبر ایله اقرار بالکتابه دخی صحیح اولیه جنی درکار بولنش ایکن محکمه جه بوجهتنکده تدقیق اولنمسی یولسز و مخالف اصول وقانون اولدیغندن اصول محاکمه حقوقیه قانوننک ایکوز اوتوز ایکی و ایکوز قرق برنجی ماده لری موجبجه اعلام مذکورک تقضیه قانون مزبورک ایکوز قرق دردنجی ماده سنک فقره اولاسی حکمنه توفیقاً کفیتنک تکرار بالرؤیه اعلامه ربطی ضمننده محکمه مذکوریه اعاده سنه واشبو تمیز دعوا سنده نطولانی اختیار اولنان مصارف ایله تأجیل اولنان قسمک مفرداتی زیرده کوستراش اولدیغندن بونلرکده ایلروده حقسز حقیقه جق طرفه عائد اولسنه ۲۶ مارت سنه ۳۲۸ تاریخنده غیاباً و متفقاً قرار ویرلدی .

محکم تمیز حقوق داره سنده صادر اولان ۲۸ شباط سنه ۳۲۸ تاریخی و ۲۹۸۴ نومروی اعلام صورتیه :

« منازع فیه محل اول امرده طرفینه تعیین ایتدیرلک و بعدالتعین ابراز اولنان سند و قید صورتلریله تطبیق بالاجرا هانکی طرفک قیدینه موافق ایسه آکا کوره اسباب حکم تحقق ایله کده طرف آخرک منع مداخله سنه قرار ویرلک مقتضی اولدیغنه دأثر »

قیر شهر قصبه سنک یکیکجه محله سنده متمکن حاجی محمد آغا زاده محمد نافع افندی ایله حمیدیه محله سنده مقیم چولاق اوغلی عثمان بیننده متکون دعوایه دأثر قیرشهری قضاسی بدایت محکمه سندن ویریلوب مومی الیه نافع افندی طرفندن تمیزاً تدقیق استدعا قلمان ۱۸ مایس سنه ۳۲۷ تاریخی و یتش التی نومروی اعلام طرفینک اعتراض و جواب لایحه لرله برابر بالمطالعہ تدقیقات تمیزیه اجراسنه ابتدار قلندی .

اعلام مذکور مندرجانه نظراً مومی الیه نافع افندی قضاء مذکور بدایت محکمه سنه باعرض حال مراجعتله غریبلموقعنده واقع و باطاپو تحت تصرفده اولوب بوز و خالیدن احیا ایلش اولدینی معلوم الحدود آلتی دونم ترلاسنه مرقوم عثمان فضولاً مداخله ایتمکده اولدیغندن بحثله مداخله واقعنه نک منعی طلب و دعوی و مدعی علیه دخی مذکور ترلانی کوک اوغلی ابراهیم اوسته نک ورثه سندن درت سنه مقدم بشیوز غروش مقابلنده تفرغ ایدرک طاپو سندی آلدیغنی و مدعینک اوراده آدیله بر ترلاسی اولدیغنی بیله مدیکنی مدافعه درمیان و برقطه طاپو علم و خبرینی ابراز واعطا ایللری اوزرینه مدعی علیک وضع یدی بالینه ثابت اولدقدن و متوفای مرقوم کوک اوغلی ورثه سندن محمود شخص ثالث صفتیه داخل دعوی ایدلکدنصکره اراضی مأموری حضوریه اجرا قلمان محاکمه و تدقیقات نتیجه سنده مذکور المقدر ترلانی مدعی علیه عثمان اوچیز یکریمی سنه سنده متوفی ابراهیمک ورثه سندن شخص ثالث صفتیه داخل دعوی ایدیلان محموددن بشیوز غروش مقابلنده تفرغاً اشترا ایتدیکی اولبابده اقامه و استماع اولنان شهود معدله نک شهادتیه ثابت اولسنه و صورت تصرفی دخی قید رسمی ایله متحقق بولمسنه بناء اون سکزنجی ماده سی حکمنه توفیقاً مدعی نافع افدینک مذکور ترلایه وقوع بولان مداخله سنک منعیله مدعی عثمانک تصرفه حکم اولدینی اکلاشلمشدر .

تمیز مومی الیهک اعطا ایلدیکی لایحه تمیزیه ده مذکور ترلانک کرک طاپو و کرک ویرکو اداره لرنجیه قیدی اوزرنده اولدینی حلاله شهود شخصیه استماعیه ادعاسنک ردینه قرار ویرلمسی یولسز و مغایر قانون اولدیغندن بحثله اعلامک نقضی و لایحه جوابیه ده ده غیر وارد اولان مذکور اعتراضک ردیه موافق اصول قانون بولنان اعلام تمیز بهک تضدیق طلب واستدعا ایدلمشدر .

ایجابی مذاکره اولندقدن کیفیت هر نه قدر بوجه بالا بالرؤیه تحت قراره التمش ایسه ده اول امرده منازع فیه محل طرفینه تعیین ایتدیرلک و بعدالتعین ابراز اولنان سند و قید صورتلریله تطبیق بالاجرا هانکی طرفک قیدینه موافق ایسه آکا کوره اسباب حکم تحقق ایله کده طرف آخرک منع مداخله سنه قرار ویرلک و هرایکی

طرفه مطابقتند اشتباه واقع اولورسه خارجدن بینه طلب اولمق لازم کور ایکن محکمه جه بو جهتلردن ذهول اولنه رق بروجه مشروح قرار ویرلمسی یولسز ومغایر قانون اولدیغندن اصول محاکمه حقوقیه قانوننک اکیوز قرق دردنجی ماده سی حکمنه توفیقاً کیفیتک تکرار بالرؤیه اعلامه ربطی ضمننده محکمه مذکوره یه اعاده سنه واشبو تمیزدعواسندن طولای اختیار اولنان مصارف ایله تأجیل اولنان قسمک مفرداتی زیرده کوسترلمش اولدیغندن بونلرکده ایلروده حقسنز چیه حق طرفه عائد اولسنه ۸ کانون ثانی سنه ۳۲۷ تاریخنده اکثریتله قرار ویرلدی .

محکمہ تمیز مقرره دائره نمره صادر اولاره ۲۸ شباط سنه ۳۲۸ تاریخلی و ۱۹۳۷ نومردلی اعلام صورتیبر :

« اراضی امیریه ده حق تصرف »

حاجیا قصبه سنده ساکنه نعیام ایله دلافه مزرعه سنده مقیم سلیم بیننده متحدث دعوا یه دائر حاجیابدایت محکمه سندن ۳۰ نیسان سنه ۳۲۸ تاریخلی ودرت عددیله ویریلوب مزبورده نعیام طرفندن تمیزاً تدقیق استدعا قلنان اعلام طرفینک اعتراض وجواب لایحه لر یله بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مرقوم سلیم دلافه مزرعه سنده معلوم الحدود برقطعه اوزوم باغنک یری بیوک پدیری نخول طرفندن باغ دیکلمک ویتشدیره جکی فدانلری مناصفه تصرف ایتمک شرطیله مزبورده نعیام والد سندن اشترا ایدلمش اولوجهله غرس ایدیلا اوزوم فدانلری دده سی مرقومک وفاتیله پدیری فارسه وآنک دخی وفاتیله ارثاً کندوسنه انتقال ایدوب یکریمی آلتی سنه دنبری بلا نزاع متصرف بولنش اولدیغندن بحثله مذکور نصف حصه یه مدعی علیها مزبورده نک مداخله سنک منعی طلب و دعوی و مدعی علیها دخی اراضی مذکوره یه مستقلاً متصرف اولدیغنی ویش آلتی سنه مقدم ائمارندن استفاده ایتمک شرطیله بطریق المساقات مرقومه ویردیکنی و باغده بر علاقہ سی قالدیغندن معارضه دن منعی درمیان ایللری و اخیراً تعیین قلنان کونده ورود ایلامی اوزرینه غیابنده جریان ایدن محاکمه نتیجه سنده دعوانک عدم استماعنی ایجاب ایدن مرور زمانک واقع اولدیغنی بینه عادلله ایله ثابت اولسنه بناءً مدعا علیها مزبورده نک منع مداخله سنه دائر ویریلان اعلام غیابی حکمنک عندالاعتراض تصدیقه قرار ویرلدیکی اکلالمشدر .

میزه مزبورده طرفندن ویریلان لایحه ده شهودک افاداتنده تناقض وار ایکن محکمه جه قبول ایدلمسی وعقد مساقاتک فاسد اولسنه بناءً اجرت عمل ایله حکم اولمق لازم کور ایکن بوندن ذهول اولنسی وبوبابده تصرف سندی ارا نلامسی مغایر قانون اولدیغندن و سائرده دن بحثله اعلام مذکورک نقضی و لایحه جوابیه ده دخی اعتراضات مذکوره نک غیروارد اولدیغنی بیانیله حکم مذکورک تصدیق طلب واستدعا قلمشدر . ایجابی مذاکره اولندقد هرنه قدر محکمه جه بر منوال محرر حکم و قرار ویرلمش ایسه ده مدعینک

دعواسی وجهله اراضی مذکوره اراضی امیریه صفتنده ایکن وقتیله جدیسنه او شرطله باغ دیکمک اوزره ویرمش اولدیغنک ثبوتی تقدیرنده دخی باغ دیکن طرفک نفس اراضی امیریه ده برکونه حق ثابت اولیه جغه چونکه بومعامله نک نتیجه سی اراضی امیریه نک نصف مشاعنک جمله سی اوزرینه باغ دیکمک شرطیله دیکرینه تفویضندن عبارت اولوب بوتفویضده اذن صاحب ارض بولنامه ش اولدیغندن غیر معتبر ایدوکنه وبروجه محرر مدعینک مورثی ایچون اراضی امیریه ده حق تصرف ثابت اولدیغنه کوره مدعی ایچون دخی حق تصرف تحقق ایلیه جکنه وشو حاله کوره اغاج وکرومدن غیری صرف ارض میری مدعی علیها طرفه عائدی درکار بولندیغنه نظراً محکمه جه بروجه محرر مذکور اراضینک نصف حصه شایعه سنک مدعی یه رد واعاده سنه قرار اتخا ذ ایدلمسی مخالف قانون اولدیغندن اصول محاکمه حقوقیه قانوننک اکیوز قرق برنجی ماده سی موجبجه اعلام مذکورک تقضیله اکیوز قرق بشنجی ماده سی حکمنه توفیقاً کیفیتک صورت مشروح دائره سنده تصحیحاً بالرؤیه اعلامه ربطی ضمننده محکمه مذکوره یه اعاده سنه واشبو دعوادن دولای اختیار اولنان مصارف تمیزیه نک ده ایلروده حقسنز چیه حق طرفه عائد اولسنه ۶ تشرین اول سنه ۳۲۸ تاریخنده متفقاً قرار ویرلدی .

محکمہ تمیز جزا دائره سی مقرراتی

محکمہ تمیز جزا دائره نمره صادر اولاره ۱۲ مارت سنه ۳۲۸ تاریخلی و ۱۰۵ نومردلی اعلام صورتیبر :

« متهمک مابه الاتهای اولیان بر فعل ایله تجریمی موجب نقضدر »

سلیمانیه سنجاغی بدایت محکمه سی جزا دائره سندن صادر اولان ۱۵ صفر سنه ۳۳۰ و ۲۲ کانون ثانی سنه ۳۲۷ تاریخلی و اوچیوز قرق یدی نومردلی اعلام ایله اوراق متعلقه سی باش مدعی عمومیک مأموریت علیه سندن ۲۴ ربیع الاول سنه ۳۳۰ و ۲۹ شباط سنه ۳۲۷ تاریخلی و آلتی بیک اکیوز طقوز نومردلی تبلیغنامه ایله محکمه تمیز جزا دائره سنه اعطا قلمشدر .

اعلام مذکورک خلاصه مآلی قره طاغ قصبه سیله قرای متتابعه سنه عائد اعشار و ویرکو حاصلات مرتباتی نامیله وجریه صورتیله اچقه تحصیل واختلاس و قتل قصدیله استعمال سلاح ایتدیکی ادعا قلمسندن طولای جنایتله متهم وغیباً محکوم اولوب اخیراً در دست قلنان جاقلی کاک خانک اجرا قلنان محاکمه علییه سی نتیجه سنده متهم مرقومک فراری رفقاسیله برابر قره طاغ قصبه سنه کیدوب اهالیدن جریه صورتیله پاره آلمغه قالمشملری اوزرینه اوراده بولشان مفرزه عسکریه مرقومونی منع ایتلریله مرقومون قصبه یه ناظر ته یه تحصن ایدرک مفرزه عسکریه وقصبه یه قارشو بر چوق سلاح انداخت ایلدکاری کی مفرزه نک لوا یه عودتی متعاقب مذکور مصادمه ده تلف اولان بر رأس قصر اغه بدل درتیوز الی طهرانی یی قصبه اهالی سندن

تحصيل ايتدكلى شهودك مع القسم واقع اولان شهادتى ودلائل وامارات سائر ايله ثابت اولديغندن اولوجهله جريمه صورتيله اچمه اخذ و قتل قصديه تشهير سلاح فعلنك فاعلى اولق اوزره مجرميته و پاره اخذى مسئله سنك سبب شدت عدليه حركتنه تطابق ايدن قانون جزانك يوز سكسانجى ماده سى علاوه سنه توفيقاً اوچ بچق سنه كوركه قولسنه ۲۷ تشرين ثانى سنه ۳۲۷ تاريخنده حكم اولنديغندن عبارتدر . مذكور تبليغنامه ده دخی صورت جريان محاكمه سيله قانونه تطبيقي حقدنه اعتراضه محل كوريله مديكى بيانيه اعلام مذكورك تصديقي طلب اولمشدر .

اوراق دعوى بعدالمطالعه تدقيقات تميزيه اجرا اولندقدنه سالف الذكر تبليغنامه ده هر نه قدر اعلامك تصديقي طلب اولمقدنه ايسه ده مرقومك رفقاسيله برابر اعشار و ويركو و حاصلات مرتباتى ناميله جريمه صورتيله قره طاغ قصبه سيله قرأى متتابعه سى اهالي سندن اچمه تحصيل ايدوب اختلاس و سرقت اموال اميريه دن طولاي قرق بشنجى ماده دلالتيله سكسان ايكنجى ماده يه تطبيقاً اتهام اولنديغى حالده جريان ايدن محاكمه ده استماع قلنان شاهدلردن رؤيته مستند شهادتده بولنان ايكي ذات متهملرك قره طاغ قصبه سنه كيدوب اهالي دن جريمه صورتيله پاره آلمغه قالمشملرى اوزرينه اوراده بولنان مفرزه عسكرى نك مرقومونى منع ايتمليه مرقومون قصبه ناظر تهيه تحصى ايدرك مفرزه نظاميه وقصبه قارشى بر چوق سلاح انداخت ايتدكلى كى مفرزه نك مركز لوايه عودتنى متعاقب مذكور مصادمه ده تلف اولان بررأس قصراغه بدل درتوز اللى طهرانى قصبه اهالي سندن تحصيل ايتدكلى سويلرينه و شهود مستمعه سائر دخی ينه بويولده سماعه معطوف اخباراتده بولملىر ينه قارشى متهم حاضر ك جريمه صورتيله اچمه اخذ و قتل قصديه تشهير سلاح فعلنك فاعلى اولق اوزره تجريم و يوز سكسانجى ماده علاوه سنه تطبيقاً مجازاتى تعيين اولمش اولوب مابه الاتهامى اولان اعشار و ويركو و حاصلات مرتباتى ناميله جريمه اخذ و تحصيلى كيفيتى مسكوت عنه قاله رق مابه الاتهامى اوليان قتل قصديه سلاح آتمقدن طولاي تجريمى و عندالمحاكمه استماع قلنان شاهدلرك افاده لرندن مستبان اولديغى اوزره قتل قصديه سلاح آتمقدن طولاي مرقوم حقدنه معامله اتهاميه جريان ايتدكلى سزى بويولده حكم اعطاسى مخالف قانون و مستلزم نقض اسباب قانونيه دن بولمش اولمغه اعلام مذكورك اصول محاكمات جزائيه قانونك اوچيوز اون دردنجى ماده سنه توفيقاً نقضه و احكام قانونيه دائره سنده ايفائى معامله اولمق اوزره اورا قنك محله اعاده سنه و ايكي يوز غروش اعلام خرچنك ايلروده حقسنر حيقه جق طرفدن تحصيله ۵ مارت سنه ۳۲۸ تاريخنده متفقاً قرار و يرلدى .

محكمه تميزيه جزا دائره سنده صادر اولان ۱۲ مارت سنه ۳۲۸ تاريخى و ۹۶ نومرولى اعلام صورتيه :

• اجراى تحقيقات •

كنغلى سنجانغى بدايت محكمه سى جزا دائره سندن صادر اولان ايكي قطعه اعلام ايله متفرعاتى باش

مدعى عمومى لك مأموريت عليه سنك ۲۴ ربيع الاول سنه ۳۳۰ و ۲۹ شباط سنه ۳۲۷ تاريخى والتى بيك يوز سكسان طقوز نومرولى تبليغنامه سيله محكمه تميزيه جزا دائره سنه اعطا قلمشدر .

اعلامات مذكوره دن ۸ ربيع الاول سنه ۳۳۰ و ۱۳ شباط سنه ۳۲۷ تاريخى و اوچ نومرولى اعلامك خلاصه مالى : اوچيوز يكرمى درت سنه سى تشرين اولنك اون ايكنجى كوفى سكورلى قريه سندن كوسه على اوغلى ابراهيم ايله رفقاسنك اثنائى راهده اوكلرينه حيقه رق ضرب و تهديد ايله پاره و اشيارينى اخذ و غصب ايدن ايكي شخص مجهوله يتاقلق ايتدكلى ادعا قلمسندن دولاي جنايته اتهام اولنان كرد قريه سندن عرب اوغلى على و سرت على اوغلى عثمان و شكرجى اوغلى احمد و فرارى كومورجى اوغلى درويشك و جاهاً و غيباً اجرا قلنان محاكمه عليه لى نتيجه سنده متهمون مرقوموندىن عايدن ماعداسنك بروجه محرر يتاقلق فعلنه مجاسرتلى شهادت واقعه ودلائل وامارات سائر ايله ثابت اولديغندن اولوجهله مجرميتلرينه و حركتيلرينه توافق ايدن قانون جزانك التمش اوچنجى ماده سنك ذيلنه توفيقاً اوچرسنه مدتله كوركه قولملىرينه و اشياى مغضوبه بدليه معلوم المقدار نقودك محكوملردن تحصيليله مدعيلره اعطاسنه و عليه نك برائتنه ۷ مارت سنه ۳۲۷ تاريخنده حكم اولنديغى محتويدر .

۸ ربيع الاول سنه ۳۳۰ و ۱۳ شباط سنه ۳۲۷ تاريخى و بش يوز التمش نومرولى ديكر اعلامك خلاصه مندرجاتى دخی اشخاص مجهوله يتاقلق ايتديكى ادعاسيله جنايته متهم و غيباً محكوم بولنان كومورجى اوغلى درويشك اخيراً در دست ايدلى اوزرينه ينه و جاهاً جريان ايدن محاكمه عليه سى نتيجه سنده ثبوت فعلنه بناء التمش اوچنجى ماده قانونيه ذيلى موجبنه اوچ سنه مدتله كوركه قولسنه و مغضوب اشيا بدليه نقودك رفقاى محكوميه سيله برابر كنديسندن ضماناً تحصيله ۲۷ تشرين اول سنه ۳۲۷ تاريخنده حكم اولنديغى متضمندر . تبليغنامه مفادى دخی حقدنه اعتراضه محل كوريله متهمين اعلامات مذكوره نك تصديقي طلبنى شاملدر .

اوراق دعوى بعدالمطالعه حكم جنايتدن دولاي تدقيقات تميزيه اجرا اولندقدنه كرحه تبليغنامه ده مذكور اعلاملرك تصديقي طلب اولمقدنه ايسه ده مرقومون احمد و عثمان و درويشك حركتلى هويتلرى مجهول اشخاصه يتاقلق يعنى فرعاً ذى مدخل اولمقدن عبارت اولوب اشخاص مجهوله نك قانونك مقصدى دائره سنده قطاع طريق اولوب اولمقدلى و يا خود بولنك حركتلى معامله شديده اجراسيله خرسزلقدن عبارت بولنوب بولمديغى تحقيق واصل سارق حقدنه قانوناً يينه جزا حكم اولمدي لازم كله جكى تعيين اولنه رق بعده اشبو متهملر حقدنه قانون جزانك قرق بشنجى ماده قائمه سيمى يوقسه اسكى ماده سى مخفف جزادر بورالرى نظره آلنه رق آكا كوره حكم اعطاسى مقتضى ايكن ذهول ايدلى مغاير قانون و مستلزم نقض اولديغندن اصول محاكمات جزائيه قانونك اوچيوز اون دردنجى ماده سنه توفيقاً هرايكي اعلامك نقضيله احكام قانونيه دائره سنده ايفائى معامله اولمق اوزره اورا قنك محله اعاده سنه و ايكي يوز غروش اعلام خرچنك ايلريده حقسنر حيقه جق طرفدن تحصيله ۴ مارت سنه ۳۲۸ تاريخنده متفقاً قرار و يرلدى .

انجمن عدلیه مقرانی

انجمن عدلیه دره صادر اولاده ۱۵ لایحه اول سنه ۳۲۸ تاریخلی قرار صورتیدر :

« ارباب مصالحدن فقره و ضرورتلری ثابت اولانلرک کرک محاکم و کرک دوائر اجراییه خرچلرندن ماعدا دیگر خرج و رسومدن معاف طوتلری لزومنه دائر »

اسکدار بدایت محکمه سی اجرا دائرہ سنک انجمن عاجزانه مزه حواله بیوریلان مذکره سیله امور حقوقيه مدیریت بهیه سنک مذکره سی مطالعه و تدقیق اولندی .

مذکره مبحثه اثنای اجراءه آلتان رسم تحصیلدن ماعدا دیگر اجرا خرچلری تسویه به اقتدار اولمادیغنی باشهادتنامه اثبات ایدنلرک اولبابده کی معافیت قرارندن استفاده ایدوب اتمیه جکلرینک استیذاتی متضمن ومدریت مومی الیهانک مطالعه سی دخی اصحاب مصالحدن بی قدرت اولانلرک بعض رسوم دعاویدن صورت معافیتی حقنده اقدجه تعمیماً تبلیغ ایدلش اولان تذکره سامیه ده رسم تحصیلک عفودن استثناسی مصرح اولسنه ودائرہ اجراجه مقطوعاً استیفا ایدلمکده اولان دیگر اجرا خرچلرینک ده عینی ماهیتده تلقیسی ضروری بولمسنه مبنی سالف الذکر عفو قرارینک اجرا خرچلرینه شامل اوله میه جغه متدائر در .

دردنچی جلد دستورک ۳۳۶ صحیفه سنده مندرج بولتان اراده سیه بی حاوی ۲۸ رجب سنه ۹۶ تاریخلی تذکره سامیه ده ارباب مصالحدن فقر و ضرورتلری سببیه محکمه لردن آلتیسی معتاد اولان خرج ورسومی ایفایه عدم اقتدارلری ثابت اولانلردن ورقه صحیحه بهایی وخدمه مصارفی واعلام خرجی ایله رسم تحصیلدن ماعداسنک معاف طوتلسی مندرج اولوب بویه مانده اجرا خرچندن معدود اولان رسم تحصیلک ده موضوع بحث ایدلمسی و قتیلہ اجرا خرچلریک دخی نظر دفته آلتش اولدیغنه دلالت ایدر احوال دن اولغله فقر حاللری ثابت اولانلرک کرک محاکم وکرا دوائر اجراییه جه سالف الذکر خرچلردن ماعدا دیگر خرج ورسومدن معاف طوتلری معدله ومذکور تحریرات عمومیہ احکامنه موافق اوله جنی تذکر قلمش ایسه ده اجرای ایجابی منوط رأی سامی جناب نظارت پناهیلریدر .



قانون مجازات

امر تحریری قانونی

اصول محاکمات جزاییه قانوننک ۳۴۷ نجی ماده سی موجبجه عدلیه نظارتی طرفندن تحریراً ویریلان امر قلعی اوزرینه محکمه تمیزده بولتان باش مدعی عمومی قانونه مخالف معاملات تحقیقه وقوعه کلش ویاخود اعلامات ویرلش اولدیغنی محکمه تمیزک جزا دائره سنه خبر ویرر ایسه اومقوله معاملات واعلامات نقض اولنور. شوحالده نظارت مشارالیه جانبندن قطعاً وصراحه ویریله جک امر تحریری اوزرینه باش مدعی عمومی لک تبلیغی موجبجه بر حکم اعلامی ویاخود معاملات تحقیقه بی متضمن بر ضبط ورقه سی وقرارنامه سی محکمه تمیزجه نقض اولندقدده بونقضک حقوق طرفینه درجه تأثیری ندر ؟

منظون علیه ویا متهم ومحکومک لهنده اولان احوال قانونیه نک ترجیح اولنسی قاعده اساسیه جزاییه مقتضیاتندن اولدیغنه نظراً عدلیه نظارت سنک امری اوزرینه نقض اولتان حکملر دخی محکوم علیه اولان شخصک لهنده اولورسه بوندن محکومک استفاده ایده بیلمسی قضیه سی قبول وتصدیق اولنمقدده در. آنجیق عکس حال وقوعبولور یعنی حکم واقع مجرمک لهنده اولوبده نقضی تقدیرنده بونک یکیدن اجرای محاکمه سیله محکومیتی ملحوظ بولنورسه اویولده صادر اولان نقضک مجرم حقنده بر کونه حکم و تأثیری اولماسی لازم کلور.

بناءً علیه ماده مشروحه دن مقصد قانونی محاکمه وقوعی محتمل اولان بعض خطایانک اصلاح وتصحیحی ایله احکام لاحقه بی مجرای حقیق قانونیسنه ارجاعدن عبارتدر. مع مافیه شو خطیات عدلیه نک اصلاح وتصحیحی ضمننده مجرم ویا محکوم اولنلرک احکام قطعیه صادره سایه سنده اکتساب ایتش اولدقلری حقوق صریحیه خلل کتورلماسی دخی شعار عدالت ایجابنددر.

عدلیه ناظرینک امری اوزرینه لاحق اولان نقضک حقوق مکتسبه محکومینه خلل کتور مامسنک ولهنده اولدینی تقدیرده بوندن محکومینک استفاده ایده بیلمسنک اسباب موجبیه حکمییه سی شوندن عبارتدرکه مواد جزاییه ده لاحق اولان حکملر قضیه محکمه بی احراز ایتدکلری حالده کرک هیئت اجتماعیه وکرک وکرک محکوم علیه وکرک مدعی شخصی ایچون بعض حقوق اکتسابیه سببیت ویرلر .

جمعیت کسب حقوق ایدر. نه وقت ؟ اولوقتکه جرم ارتکاب ایتش اولان شخص هیئت اجتماعیه نک

وکیل عمومی عدلیسی دیمک اولان مدعی عمومی معرفتیه تعقیب اولوبده محکومیتی استحصال اولورسه. فاعل جرم عد اولنان شخص کسب حقوق ایدر. نه زمان؟ اول زمانکه مدعی عمومی تعقیباته قارشی عدم مسئولیت ویا برائی تین ایدر. ویا خود قانوناً محکوم اولسی لازم کلان جزادن اخف بر مجازات ایله محکومیتی استحصال ایلرسه.

مدعی شخصی کسب حقوق ایدر. نه حالده؟ اول حالده که جرم واقعدن طولانی کنديسنه ترتب ایدن ضرر وزیانه مقابل تضمینات استحصالنه ویا ضایع اولان اموالک استردادینه حکماً دسترس اولورسه.

ایمدی هرکسک حقوق مکتسبه سندن فراغت ایده بیلیمسندن بر صلاحیت طبعیه بولندیغه بناء جمعیت دخی عدلیه ناظرینک معرفتی و محکمه تمیزک دخی حکم واجازتی ایله کندی لهنده اولان و فقط افراد مجتمعه سندن برینک بغیر حق قهر و تدمیر ایله مغدوریتی مستلزم بولنان احکام و مقرراتک تعدیل و اصلاحی تجویز ایدر. شو حالده هیئت اجتماعیه نک اولیه برحقدن صرف نظر ایتسنگ نتیجه طبعیه سی اوله رق بوندن محکوم علیک استفاده سی لازم کلور.

فقط حکم لاحق محکومیتی متضمن اولوبده فاعل جرم اولقی اوزره تعقیب اولنان شخصک عدم مسئولیت ویا برائت ذمتنه متدائر اولورسه اول تقدیرده جمعیت شخص ثالث اکتساب ایتش بولندی برحقدن فراغت ایده میه جکی و کندوسنه دخی بوندن صرف نظر ایتدیره میه جکی جهته اولیه بر حکمک نقضی برائت ذمت ویا عدم مسئولیتی متین اولان کیسه نک حقوقه طوقنه ماز.

مدعی شخصی به کلنجه بونک دخی اسباب مشروحه به بناء نقض اولنه جق حکمدن حقوق مکتسبه سنه خلل کتورلماسی شقی ترجیح اولنق اقتضا ایدر.

مع مافیه عدلیه ناظرینک امری موجبجه محکمه تمیزدن نقض ایتدیریلان حکمدن محکوم علیک استفاده ایتسی بروجه مشروح قاعده کلیه جزایه مقتضیاتدن ایسه ده حکم منقوضک وظیفه و صلاحیت قانونیه خارجنده ویرلمش اولدینی تین ایدرسه اول حالده محکوم علیک صلاحیتدار اولان محکمه جه اجرای محاکمه سی دخی امر اولور.

عدلیه ناظرینک امری اوزرینه باش مدعی عمومی تعقیب طلیله ایقاع ایده جکی دعوای تمیزیه محکوم علیک لهنده اولدینی تقدیرده بونک طرفندن دخی برقطعه لایحه تمیزیه تنظیم و تقدیمی جائز اولور.

بوماده قانونیه نک تطبیق و تفسیرینه دائر محکمه تمیزدن ویریلان قرارلر اسباب آتییه مستند ایدی.

مدت تمیزیه سی مرور ایتش وجنجه حکمی متضمن بولنش اولان بر اعلامک بعض اسباب قانونیه مبنی نقضی حقنده عدلیه نظارت جلیله سندن اصدار بیوریلان امر تحریری اوزرینه باش مدعی عمومی لکدن تنظیم اولنان تبلیغامده محکوم علیه حقنده کرک بدایه و کرک استینافاً جریان ایدن معاملاتک کافه سی حکم قانونه مغایر اولدیغه و کرچه ۳۴۷ نجی ماده ده عدلیه نظارت سندن تحریراً ویریلان امر قطعی اوزرینه باش

مدعی عمومی تعقیب طلیله قانونه مخالف بومقوله معاملات و اعلاماتک نقض اولنه جکی محرر ایسه ده ماده مباحث عنای و لی و تعقیب ایدن ۳۴۸ نجی ماده ده محکمه تمیز باش مدعی عمومی سینگ بومثللو احوالده انقضای مدته باقیه رق استعمال ایده جکی نقض حکم حقوندن طرفینک استفاده ایده میه جکلری مصرح بولندیغه نظراً عدلیه نظارت جلیله سندن ویریلان امر قطعی اوزرینه باش مدعی عمومی تعقیبک استعمال ایده جکی ۳۴۷ نجی ماده حکمدن دخی طرفینک استفاده ایدوب ایتیه جکلری ماده سی مشاهیر جزائیون بینه مختلف فیه بر مسئله اولوب بولردن بعضری جهت نقضیه محکومک له و علمینده بولنق شرطیه صورت استفاده نک مشروط و معتبر اولدیغه و بناء علیه مخالف قانون اولان بویکی معاملات و اعلاماتک نقضی مظنون ویا متهم ویا محکوم علیک لهنده اولور ایسه مستفید اولسی طبعی و قاعده عدل و انسانیتیه موافق اوله جق و لکتر علیهنده ایسه وقت و زمانیه طرق قانونیه به بالمرآجه تشبثات لازمه ده بولنماش اولان مدعی عمومی تعقیبک ذهول و قصورندن طولانی برائتنه و یا خود خفیف بر جزا ایله محکومیتنه قرار ویریلان شخصک تشدید حالی اصلاً جائز اوله میه جکی جهته لره بومقوله احوالده مدعی عمومی لک نقض حکمدن استفاده ایده ماملری لازم کله جکنه ذاهب اولمشلر و بعضری دخی نتایج نقضیه کرک مظنون و محکومک لهنده و کرک علیهنده اولسون مدت معینه تمیزیه نک گذرانی جهته لره اساساً طرفینک هیچ بر صورتله حق استفاده لری اوله میوب نفعاً للقانون نقض حکم اوله بیله جکی رأینده بولنمشلر ایسه ده برنجی فکر و نظر قاعده نصف و اعتداله شایانتر بولنق ملا بسه سیله ایکنجی جهته نقلاب و تقدم ایدوب اتخاذا اولنان قاعده عمومی دخی بو مرکزده دائر اولسنه و اعلام معترض فیهک نقضی مستلزم اولان احوال ایسه محکومک لهنده اوله جکی بدیمی بولنسنه مبنی اعلام مذکورک ۳۱۴ نجی و ۳۱۹ نجی ماده لر احکامنه توفیقاً عادیاً یعنی محکوم علیک استفاده سیله نقضی طلب اولمشیدی.

تفصیلات مشروحه دن مستنبان اولدیغه کوره محکمه استینافیه دن ویریلان اعلامک تمیزی حقنده محکوم علیک مستدعیات مقدمه سی مدت قانونیه سی طرفنده ویرلماش اولسندن ناشی مقدما رد ایدلش ایسه ده محکمه مذکورده جه بواشده خلاف قانون معاملات و قوعبولش اولسنه مبنی ۳۴۷ نجی ماده منطوقجه عدلیه نظارتشک اشعاری اوزرینه مذکور اعلام استینافینک عادیاً نقضی باش مدعی عمومی طرفندن طلب اولنسیله بوکا مستنداً تدقیقات تمیزیه اجراسنه ابتدار اولندقدنه استیناف محکمه سنده محاکمه نک مستأنف و مدعی عمومی حضوریه علناً جریان ایتش اولدینی و استیناف اولنان ماده دخی قانوناً حقوق عمومییه متعلق بولندیغه جهته تشکیل طرفین قاعده قانونیه سی اجرا ایدلش اولسندن و محکمه استینافیه جه اعلام استینافینک فسخیه اساس دعوانک رؤیتنه کیریشلمش اولسیله شهودک جلب و استماعی مجبوریت قانونیه نمتنده بولنماش سندن ناشی بوبابده اولان اعتراضات نقضی مستلزم اسباب قانونیه دن اولدیغه اکثریتله قرار ویرلکدن صکره اساس مصلحتنه دائر اولان اعتراضات سائر تدقیق ایدلکده متن اعلام استینافیده اسباب موجه و عباره قانونیه درج اولنماش اولسی حقنده اولان اعتراضات ۱۵۳ نجی و ۱۷۹ نجی مواد

قانونیهیه مستند اولوب بوصورت ۱۹۳ نجی ماده حکمنجه نقضی مستلزم اولدینی کی دعوی واقع نك نوعه نظر آ قانون جزانك ۱۱۲ نجی ماده سی منطوقه لاجق اولان حکمه حقوق مدینه دن اسقاطه دائر اولان واهیتی درکار بولان ۳۱ نجی ماده حکمنك دخی انضمامی ایجاب ایدن اسباب و احوال موجود اولدینی و مجازات قانونیه نك تحدید و تطبیقندن مقصد اصلی اولان حقوق عمومیه نك محافظه سی امرنده عدالت حدود مرتبه سی تجاوز ایتماك قواعد اساسیه قانونیه دن بولندینی حالده بدایه جزانك بودرجه ایلروسنه کیدلمش اولسی محکمه استینافیه جه نظر دقته آلمیه رق اعلام استینافینك تصدیق ایدلسی قاعده عدل و اعتداله منافی کورلدیکندن بو بایده درمیان اولسان اعتراض دخی اساساً بجا و موجب نقض اولدینه و ۳۴۷ نجی ماده ده دخی نقض حکمك نفعاً للقانون اوله جغه دائر صراحت اولدینه مبنی بر موجب طلب اعلام استینافینك عادیاً نقضنه اکثریتله قرار ویرلمشیدی .

کذلک احکام قانونیه و قواعد اساسیه یه مغایر بولان بومثللو مقرراتك عدلیه نظارت جلیله سندن ویریلان امرتحریری اوزرینه مطالعات مبسوطه یه بناءً طلب واقع دائره سنده عادیاً نقضنه محکمه تمیزجه قرار ویرلمش اولدینك برخیلی امثالی وارد .

ماده مشروحه نك فقره اخیره سی موجبجه قانونه مغایرتی بداعت مرتبه سنده اولان احکام لاحقی اعطا ایدن هیئت محکمه نك اوایشده وظیفه مأموریتلری سوء استعمال ایلدکری آکلاشدینی حالده اعلامك نقضندن صکره بونی یاپان ضابطه عدلیه مأمورلریله حکامك اشبو قانونك باب رابنك اوجنچی فصلی موجبجه تحت محاکمه الهه رق محکمه تمیزجه مسئولیتلری طبعیدر .

حتی ۳۴۷ نجی ماده حکمنجه معامله نقضیه اجرایی هر حالده بوفقره اخیرده کوسترلیدی اوزره بونی یاپان مأمور و حاکمك مسئول طوتیه رق تحت محاکمه الهه رق اشبو اولملریله مقید و مشروط بولنق لازم کله جکله بعض مؤلفار قائل اولملردر .

متن قانونده مندرج اولدینی وجهله باش مدعی عمومی محکمه تمیزه خبر ویرر ایسه قید اختیارینه نظر آ باش مدعی عمومی نظارت جلیله دن اصدار بیوریلان امر تحریریلر اوزرینه کنديسنجه قانوناً وارد اوله بیله جك بعض مطالعات اوزرینه نظارت جلیله یه بر مذکره جوابیه تقدیمیه نادرا امثال اوله رق استیدان معامله ده بولنه بیلور ایسه ده هر حالده صادر اولان امر تحریری قانونی محکمه تمیزه تبلیغه مجبوردر .

بوماده قانونیه یه توفیقاً اصول محاکمه یه متفرع بعض اسباب قانونیه دن طولانی بومثللو معاملات و اعلاماتك تمیزاً نقضی حالده مقررات منقوضه محاکم دن لاحق اولمش ایسه بومثللو اعلامات اوزرینه تکریر محاکمه جائز اوله مز . چونکه نفعاً للقانون نقض حکم دن مقصد قانونی احوال مماثلده حکامی تقیدات انتباهیه سوق و دعوت ایچوندر .

فقط تحقیقات حکامدن اولان مستنطقلر ایله هیئت اتهامیه لرك منع محاکمه و سائرده دائر قرارنامه

و مضبطه لری صلاحیت قانونیه دائره سنده تقدیرات اساسیه یه تعلق ایتیان بعض معاملات اصولیه دن طولانی بوماده ایجابجه نقض اولسه بیله اسباب نقضیه اوزرینه بومثللو مواده یکیدن تحقیقات و معاملات لازمه نك اجراییله تعقیبات قانونیه نك جریانی اتخاذ اولان اصول و تمامل ایجابندن بولمشدر .

فاما هیئت اتهامیه نك جنایتله اتهام مضبطه لری علیه محکمه جه استجواب تاریخندن اعتباراً بش کون ظرفنده اسباب اربعه قانونیه دن برینه استناداً ادعای مفسوخیتده بولنق طریق قانونی اول و آخر کشاده بولمنسه کوره بوماده قانونیه یه استناداً مضبطه اتهامیه نك تمیزاً نقضی طلب ایدله مز .

کذلک هیئت اتهامیه لرك جنجه یه لزوم محاکمه دائره محکمه عائدسه سوق مصلحتدن عبارت اولان قرارلری اوزرینه اثنای محاکمه ده سرد اعتراضات ایله حق مدافعاتك استعمالی طبیعی بولندیغندن بوکی مضابط اتهامیه دخی امر مقضی حاصل ایتدیکندن بجنه ۳۴۷ نجی ماده حکمی استعمال ایدلمش اولسه بیله بولنرده قابلیت تمیزیه یی اولان مقررات قطعیه دن معدود اوله ماز . بناءً علیه بوکی ایشلرده بوماده حکمنده استناد ایدله مز .

مدعی عمومی لرك قانونه مخالف اولدینی ویا نقصان تحقیقات اوزرینه ویرلیدی کوردکری هیئت اتهامیه و محکمه قرارلری اوزرینه اعتراضنامه ویا استیناف و تمیز استدعایه لری مدت قانونیه یی ظرفنده تنظیم و اعطا اولنه مامش ایسه ایشك مسکوت عنه براغلمسی لازم کلیوب ۳۴۷ نجی ماده حکمنه توفیقاً محکمه تمیزدن نقضی طلب ایتدیرلک اوزره بومثللو قرارنامه و مضبطه ایله اعلامك اوراق متفرعه سی و اسباب نقضیه یی حاوی بر قطعه مطالعه نامه سیله برابر استیناف مدعی عمومی لری طرفندن مقسام نظارته لزوم اسرایی اول و آخر تسلیم بیورلمش اولان محررات عمومیه نك جمله تبلیغاتندن بولمشدر .

§

۳۴۷ نجی ماده آنفهنك ۳۴۸ نجی ماده آتییه تعلق و ارتباط تامی بولنق حسبیه هرایکی ماده نك تعیین و تصویر ایلدیکی مسائل مهمه بردن آ کلاشلق ایچون تمه بجنمز اولان ۳۴۸ نجی ماده کله جکله محاکم جزائییه دن صوک درجه ده ویریلان بر اعلام شایان نقض اولدینی حالده طرفیندن هیچ بری مدت معینه یی ظرفنده اقتضا ایدن ادعای ایتماش اولسه بیله محکمه تمیز زدنده باش مدعی عمومی اقتضای مدته باقیه رق کیفیتی رأساً محکمه تمیزه خبر ویرر بیلور . او حالده او اعلام نقض اولسه دخی طرفین بومفسوخیتدن بالاستفاده اجرای احکامنه اعتراض ایدمه یه جکلردر .

ماده سالفه ایله اشبو ماده احکامی بیننده بعض نقطه لرجه فرق کالی موجوددر . اولاً ماده سابقه موجبجه باش مدعی عمومی عدلیه ناظرینك امریه تمیز دعوی ایتدیکی حالده اشبو ماده احکامجه هیچ بر طرفین امر و توصیه اولنقمسزین خود بخود تمیز دعوییه قیام ایدر .

ثانیاً ماده سابقه احکامجه قانونه مغایر اولان حکم و قرارلریله معاملات تحقیقیه یی تمیزاً نقض ایتدیرمکه

باش مدعی عمومینک صلاحیتی اولدینی حالده اشبو ماده کوره یالکز صوک درجه ده تابع تمیز اولان حکملرک نقضی ادعا ایده بیلور .

ثالثاً اشبو ماده حکمنجه طرفیندن هیچ برینک مدت قانونیه سی ظرفده تمیزدعوی ایتمیش و بناء علیه حکم لاحقک درجه قطعی ایحراز ایتیش اولسی شرطدرکه شو حالده دخی مدت قانونیه تمیزیه مرور ایتدکجه باش مدعی عمومینک نفعاً للقانون بر حکمک نقضی طلب ایده میه جکی مستبان اولور .

نفعاً للقانون نقض حکم صلاحیتی اشبو ماده احکمنجه محکمه تمیزیه عائد و منحصر اولدیغندن محاکم استینافیه او یولده بر تشبند بولنور لرسه وظائف قانونیه لرینی تجاوز ایتیش اوله جقلری جهتله حکم لاحق عندالتمیز نقض اولنور .

کذلك نفعاً للقانون نقض حکم ادعای اشبو ماده ده کوسترلیدی اوزره محکمه تمیز زدنده بولنان باش مدعی عمومی به عائد بولمق حسیله محاکم استینافیه مدعی عمومیلره ۳۱۵ نجی ماده ده برائت قرارلری حقنده ایدیلان استنادن ماعدا هیچ بر حال وزمانده بر حکمک نفعاً للقانون محکمه تمیزدن نقضی طلب و ادعا ایده مزلر .

بدایت مدعی عمومیلرینک دخی زدنده مأمور اولدقلری محاکدن جنجه افعالندن طولانی لاحق اولان حکملرک نفعاً للقانون نقضی طلب ایده بیلملرینه دائر صراحت قانونیه اولدیغندن بو مقوله احوال قانون شکنانه دن اجتناب اولمق لازم کلور .

اشبو ماده قانونیه نک تطبیق و تفسیرینه دائر محکمه تمیزدن ویریلان قرار اسباب آتیه می بنی بولنیوردی . تبلیغنامه ده مدعی عمومیلرک تمیز استدعایه سی ۳۲۳ نجی ماده موجبجه حکم واقعت تاریخ تفهیمندن اعتباراً مدت قانونیه سی ظرفده ویرلامش اولدینی جهتله ذکر اولنان تمیز استدعاسنک ردی لازم کله جکندن اولباده مدعی عمومیلرک اخطارات لازمه اجرا اولنه جق ایسه ده محکمه استیناف حکمنک قانونه جهت تطبیقنده اصابت کوریه مامش اولدیغندن ۳۱۶ نجی و ۳۴۸ نجی ماده لر احکامنه توفیقاً اعلام مذکورک نفعاً للقانون نقضی طلب اولمشدر .

تدقیقات تمیزیه اجرا اولاندقده ماراللیان تمیز استدعاسنک مدت معینه قانونیه سی کچکدن صکره ویرلیدی جهتله ۳۲۳ نجی ماده موجبجه ردی لازم کلور ایسه ده محکمه مذکورجه اساس تطبیق اتخاذ ایدیلان ماده قانونیه ده جرم مدعابه نظراً اصابت کوریه مامش و چونکه ذات جرمی تشکیل ایدن صمانلق تخریب ایدلیوب احراق ایدلمش اولدیغندن بر موجب تبلیغنامه اعلامک بو جهت تطبیقینه دن طولانی ۳۱۶ نجی و ۳۴۸ نجی ماده لر احکمنجه نفعاً للقانون نقضیه قرار ویرلشیدی .

بو ماده قانونیه به توفیقاً باش مدعی عمومیلرکدن طرفین استفاده ایتامک اوزره نفعاً للقانون نقضی رأساً طلب اولنه جق حکملرک صوک درجه ده ویرلمش اولسی شرط قانونی اقتضاسنددر .

بناء علیه صوک درجه ده ویرلیدی کلاشیلان بر حکمک بوصورتله تمیزی حالده محکمه تمیزدن ردی طبیعیدر .

شوراسیده معلوم اولسون که اصول محاکمات جزائییه قانوننده باش مدعی عمومیلرک حق و صلاحیت تمیزییه بخش ایدن اشبو ماده قانونیه ده مندرج اولان و ۳۷۹ نجی ماده نک متن صریحنه نظراً احکام غیاییه به تسلق بولنان شواکی حالدن عبارتدرکه معاملات قانونیه نک انتظام جریانی و حقوق عمومیه نک تأمین محافظه سی تشکیل ایده جک اسبابنددر .

محکمه تمیز اعضاسندن

طلعت

روسیه تبعه سنک طلب ایتدیکی تضمینات شخصیه نک تأخر تأدیه سندن طولانی

دولت علیه ایله روسیه حکومتی بیننده کی اختلافک حلی حقنده

لاهی هیئت حکمیه سی طرفندن اعطا اولنان قراره دائر

— کچن نسخه دن مابعد —

۲

مسئله حقوقیه

۱ — روسیه حکومتی طلب و ادعاسی ، دیون نقدیه نک عدم تأدیه سندن دولانی دولنلرک مسئولیتی اساسنه استناد ایتدیر مکده در . حکومت مذکور نظرنده اشب مسئولیت ، ضرر و زیان تأدیه سی وبالخاصه بغیر حق حبس ایدلمش مبالغ فاضلرینک تسویه سی مجبوریته تضمن ایدر . تأخر تأدیه مناسبتیه فائض اعطاسی مجبوری ، دیون نقدیه مسائلده مسئولیت دولیه نک تظاهر فعلیه سی در . بواساسلرک طاننامسی حقوق دول قواعد و نظریاته مغایر اولدینی کبی مناسبات صالحیه نک دوام و امنیتی بابنده موجب تهلکدر . فی الحقیقه داینه اعطا و تعیین ایتدیکی مهلتدن دولت مدیونه نک عدم مسئولیتی اعلان ایدیلورسه ، دولت مدیونه ایفای تعهدات بابنده یالکز کندی آرزوسنه حواله سمع اعتبار ایتک سر بستیه قبول و تصدیق ایدلمش اولور . ودیکر طرفدن دولت داینه ، بویه برادعا قارشوسنده سلاح و قوته مراجعت ایلک و تعهداته رعایتی تأمیندن علناً اظهار عجز ایدن حقوق دولدن هیچ برشی انتظار ایتامک مجبوریته دن بولنور .

تعبیر آخرله و دائماً روسیه حکومتنک فکر و مطالعه سنه نظراً بوراده قطعاً عهده مستند یعنی مواد واحکام مخصوصه دن متولد فاضلردن بحث اولنماقده ، فقط حکومت سنیه نک عهده سنه ترتب ایدن ، ایام متأخره فائضنک تسویه سی مجبوری ، ایفای تعهدات خصوصنده وقوع بولان تأخر ایدن یعنی معاهده صالحیه نک قسماً عدم اجرا سندن تولد ایلکده در . فی الحقیقه اشبو مجبوریت ۱۸۷۹ معاهده سی مناسبتیه تحصل ایتشدر .

لکن مجبوریّت مذکورہ باب عالی نك تعهداتی، در عہدہ ایدلیکی طرزہ، عدم ایفاسندن عبارت بر سلب جدید و عارضی دن تولد ایلکده در.

۲ — حکومت سنیہ عبارات صریحہ و واضعہ ایلہ، تعہداتنک عدم ایفاسی حسیلہ دولتلرک مسئولیتی قاعدہ عمومیہ سنی قبول ایتدیکی کبی، صراحتاً ذکر و درمیان ایدلدیجہ، حقوق عمومیہ دولہ تأخر تأدیہ دن متولد فائض موجود بولمیدیغی و دولتلرک برمدیون عادی کبی مدیون اولمیدیغی و افراد بیندہ مرعی و معتبر قواعددن هیچ برینک دولتلر حقدہ قابل تطبیق اولماسنی ادعا تصورندہ بولنماغله برابر قوہ عمومیہ اولان دولتلرک حال و وضعیتی نظر اعتبارہ آلمق لازم کلدیکی و قوانین مختلفہ دولہ مدیونہ بر حال و وضعیت ممتازہ قبول و تصدیق ایدلدیکی — و مثلاً ۱۸۳۱ تاریخی فرانسز قانونی دیون دولہ ایچون بش سنہ دن عبارت، اسقاط حقہ سبب برمرور زمان مدتی قبول ایدلدیکی و روما حقوقدہ خزینہ دولہ مقاولہ موجود اولمدیجہ فائض تأدیہ سنہ مجبور اولمیدیغی «Fiscus ex Suis contractibus usuras non dat» قاعدہ سی موضوع و مندرج بولمیدیغی — و بر دولہ علیہ صورت مخصوصہ شرط قلمنامش برتعهد ضمنی نك وجودی قبول اولنورسہ و مثلاً اخبارنامہ تبلیغ نك دیون خصوصیدہ کی نتایجی دولہ مدیونہ یہ اشمال ایدیلورسہ اشبو دولتلرک، کندی آرزو و اختیارینک فوقدہ بر درجہ مدیون اوله جفتی و بو صورتله حیات سیاسیہ سنی اخلال ایتک و منافع اساسیہ سنی اضرار ایلہ مک، بودجه سنی آلت اوست ایتک و عصیان و یا تجاوز اجنبی قارشوسندہ مدافعہ نفسدن منع اولمق تہلکسنہ دولہ مذکورہ نك معروض ایدیلہ جکتی ادعا و مدافعہ ایلہ مکده در.

بالقوہ عہدہ سنہ برمسئولیت ترتیب ایتدیکی تقدیردہ حکومت سنیہ اشبو مسئولیتک انجق تأخر تأدیہ دن متولد فائض تسویہ سندن عبارت اولمیدیغی و بومسئولیتکده یالکمز صورت منتظمہ اخبارنامہ تبلیغندن اعتباراً جاری اوله جفتی ادعا ایتکده در.

بوندن ماعداد حکومت سنیہ؛ امر مقضی، اسباب مجبرہ، تضمیناتک عطیہ و احسان صفت و ماهیتی حائز اولسی و اخبارنامہ تبلیغندن استفادہ خصوصندہ، روسیہ حکومتک ضمناً و یا صراحتاً فراغت ایلسی کبی اعتراضات درمیانی ایلہ مدافعاندہ بولمقدہ در.

۳ — اختلاف حاضرده موضوع بحث اولان علائق حقوقی؛ حقوق دول احکامہ تابع و قوہ عمومیہ صفتی حائز دولتلر بیندہ متحدث و علائق مذکورده حقوق عمومیہ نك دائرہ تدقیقہ داخل اولمیدیغدن، بو بابده حقوق عمومیہ دول و یا حقوق بین الملل قواعدی قابل تطبیق اولمق اقتضا ایدر. بو نقطہ حقدہ طرفینده اتفاق ایتملردر.

۴ — روسیہ حکومتک طلب و ادعاسی، دولتلرک مسئولیتی قاعدہ عمومیہ سنہ استناد ایلہ مکده و بواسایہ تأییداً حکومت مشارالہا جانبندن برچوق اعلامات حکمیہ مقام استشهادده درمیان اولمقدہ در.

باب عالی اشبو قاعدہ عمومیہ یی رد و انکار ایتماکله برابر دیون تقدیددن متولد مسئولیتدہ دولتلرک بر حال استثنائی و ممتازده بولمق حقلرینی تأیید و تصدیق ایدرک، اشبو قاعدہ عمومیہ نك دائرہ تطبیقہ داخل اولمیدیغی ادعا ایتکده در.

باب عالی درمیان اولنان امثال تحکیمیه دن اکثریتنک، اشبو صنف مخصوصہ غیر قابل تطبیق اولملری حسیلہ بوبابده حائز تأثیر و نفوذ اولمدق لرینی بیان ایدر.

حکومت سنیہ نقطہ نظری تأییداً، نظریات اعتباریلہ، مسئولیتلرک اساس و منشأ لرینہ و وسعت شمول لرینہ نظراً مختلف اقسامہ تفریق اولمیدیغی نظر ملاحظہ و تدقیقہ آلمقدہ در. اشبو قسملرک مستند اولمیدیغی فرقلز، انات بالخاصہ روما حقوقدہ کی و روما حقوقدن مقتبس قوانیندہ کی مسئولیت نظریہ سنہ کسب ارتباط ایتکده در. عثمانی لایحه لرنده اقسام آتیہ اخطار ایدلدیجہ درک بولردن بر قسمی جملہ معروفر: مسئولیتلر، اول امرده بر جرم و یا شبه جرم نتیجہ سنده (مسئولیت جرمیہ Responsabilité délictuelle) و یا بر مقاولہ نتیجہ سنده (مقاولہ دن متولد مسئولیت، مسئولیت عقدیہ Responsabilité contractuelle) تولد ایتسنہ کوره ایکی قسمہ ایریلور. مقاولہ دن متولد مسئولیتلردہ، بر مبلغ تقدیدن ماعداد هر هانکی بر شیک ایفا و اعطاسی موضوع بحث اولسنہ و یا منحصرأ ماهیت تقدیه یی حائز تعهداتدن، دوغریدن دوغری یہ دیون تقدیددن بحث ایدلسنہ کوره ایکی قسمہ تقسیم ایدیلور. مسئولیتک تولدی ایچون اقتضا ایدن احوال و شرائط ایلہ مسئولیتک نتایجی، اشبو اقسام مختلفہ یکه یکدیگرندن فرقی اولسی حسیلہ، مسئولیتک اشبو اقسام مختلفہ سی حقوق مدنیہ، صورت مطلقده، عین طرزده تلقی ایدلماشدر. مسئولیت جرمیہ یه هیچ بر اصول و معاملات رسمیہ یه عرض احتیاج ایدلدیکی حالده مقاولہ یه مستند مسئولیتلردہ دائماً اخبارنامہ تبلیغی لازمدر. ماهیت تقدیه یی حائز اولمان تعهداتده، مواد جرمیہ یه اولمیدیغی کبی، ضرر و زیان صورت تامہ و مکملده تضمین و تلافی ایدلدیکی حالده (Lucrum cessans et damnum emergens) دیون تقدیه یه تضمین و تلافی دینک فاضیلہ تحدید ایدیلور و بو فائضده اخبارنامہ تبلیغندن اعتباراً کذرانہ باشلار. ضرر و زیان، بر جرمدن و یا بر تعهدک عدم ایفاسندن متولد ضرر و خسارک تلافی سندن عبارت اولمیدیغی صورتده تضمینات متقاصه dommages-intérêts compensatoires نامی آلور. ینہ بر تضمین و تلافی یی ارانہ ایتکله برابر برتعهدک ایفاسندہ وقوعه کلان تأخر نتیجہ سنده طلب ایدیلان ضرر روزیانہ ایام متأخره تضمیناتی dommages-intérêts moratoires دنیلور. و نہایت مؤلفین دیون تقدیه نك تأدیہ سنده تأخر وقوعی صورتندہ مقطوعاً تخصیص اولنان فائضه، تأخر تأدیہ دن متولد فائض، ایام متأخره، فائضی intérêts moratoires نامی ویرمکده و بهضاً بر تضمیناتک مجموع مقدارینی تعیین ایچون، بر ضرر و خسارک تقدراً تخمین و تقدیر اولمش مقدارینہ علاوہ اولنوبده فائض متقاصه intérêts compensatoires عنوانی حائز اولان فاضلردن تفریق ایلکده درلر.

حقوق مدنيه بوفوق سهروله اكلاشيلور : في الحقيقه مقاولهيه مستند مسئوليت خصوصنده ، عاقد ديكردن طلب سرعت اولنه بيلور . فقط غير ملحوظ بر جرمدن ضررديده اولان كيمسه سرعت طلبنده بولنه ماز . ديون نقديه بابتد تاخيرك نتايجي تقديردنه واقع اولان مشكلات حسيله ضرر و خسارك مقداري مقطوعاً تعيين اولمشدر .

حكومت سنيهك مدعاسي ، حقوق عموميه دولده ، بردين نقدي صافيك تسويه سنده تاخير وقوعي تقديرنده تاخير تاديه مناسبيله فائض اعطاسندن عبارت بولنان مسئوليت مخصوصهك بر دولت مديونه جقنده موجود اولديغني مدافعهدن عبارت ايسده ، باب عالي نه تضمينات مقاصدن ، نهده اشبو تضمينات مقاصه حسابنه داخل اوله بيلان فاضلردن بحث اولنديني صورته دولترك مسئوليتي اساسنه اعتراض ايتما . مكدهدر . باب عاليك رد و اعتراض ايلديكي مسئوليت ، تاخير تسويه فائضي نام وشكلي تنده ، بر تعهد نقديك تسويه سنده وقوع بولان تاخيردن متولد مسئوليتدر .

اشبو اسامي مختلفهك ، شارحل طرفندن احداث ايديلان تيميراتك ، ماهيت حقوق اعتباريله اساسي فرقله ، مسئوليت فكريك اساس حقوقيسندهكي فرقله تقابل ايدوب ايتديكي تحري ايجاب ايدر . محكمه بالجله ضرر وزيانلرك ، دائماً برخطانك تعميرندن ، تضمين وتلافيسندن عبارت اولديني فكر ومطالعهندهدر . بونقطه نظرندن بالجله ضرر وزيان اقسامي ، كنديلرينه اعطا اولنان اسملر نه اولورسه اولسون ، بر ضرر وخسارك تضمين وتلافيسي ماهيتي حائر تضمينات مقاصدر . بر مبلغ نقدي دايتنه ، اخبارنامه تبليغندن اعتباراً ، مقطوعاً تخصيص اولنان فاضلر ، حال تاخيرده بولنان مديونك خطاسنك مقطوعاً تضمين وتلافيدي اولديني كبي جرم ، شبه جرم وقوعنده ويا بر تعهدك عدم اجراسي تقديرنده تعيين و تخصيص اولنان ضرر وزيانلر ويا فاضلرده داينك دوچار اولديني ضرر وخسارك تضمين وتلافيسندن ، مديون مخطي ك مسئوليتك نقداً اراهنسندن عبارتدر . مسئوليت بابتد حقوق مدنيه اجرا قلنان فرق وتقسيملر نتايجنك اعظام وافراطى ؛ ديون نقديه بابتدكي مسئوليت دائر روما حقوقنده ومشتقاتنده قبول ايديلان احكام ملايمهني تخفيف وتعديل ويا فسخ والغا ايچون برچوق قوانين جديدده برتمايل مشهود اولاسي حسيله كيت كيده دهآ از كسب مشروعت ايتكدهدر . في الحقيقه ، اساس ومنشألري نه اولورسه اولسون بالجله خطيئاتك ، نهايه الامر نقداً تقدير وتحمين اولمقده وتاديه مجبوريتنه تحول ايلكده و نتيجه تحليلده جملهسي بردين نقدي به منجر اولمقده ايدوكي شبهدن وارستهدر . مسئوليتك اقسام مختلفهسي بيننده اساسي فرقلر تعيين و اراهنسي ، محكمه ايچون امكانسزدر . اساس ومنشألرنده ، خطاده يكديكيرينك عيني اولان اقسام مختلفه نتيجه اعتباريلهده ، نقداً تضمين وتلافي خصوصنده يكديكيرينك عين ومثالي در .

محكمه دولترك مسئوليتي قاعده عموميه سنك ، بواساسه ، غير برتعامل دولي ك وجودي اثبات ايدلديكجه ، بردين نقديك تاديه سنده وقوع بولان تاخيردن دولاي بر مسئوليت خصوصيهني تضمين ايلديكي فكر ومطالعهندهدر .

روسية حكومتى وباب عالي اثنای محاکمته ، دولترك مسئوليتي اساسي قبول ، تأييد و تصديق ايدر بر چوق اطلاعات حكميه ايراد ودرميان ايتمشلردر . باب عالي اشبو اطلاعاتدن هان هيچ برينك حائر حكم تاثير اولمقلايني بيان وحتى مبالغ نقديه ايچون حكمك صراحة فائض تعيين ايتديكي اطلاعاتلرك خارج ومستثنا اولمقلايني درميان ايدور . حكومت عثمانيه بوبابده الحق فائض مقاص موضوع بحث اولوب دعوای حاضرده اطلاعات مذكوره قابل تطبيق اولمقلايندن ناشي آنلري نظر اعتباره آلماور .

حالبوكه محكمه بالاده ذكر اولنان اسبابه بناءً ، مسئوليتك اشكال مختلفهسي بيننده موجود اولان مشابهت عظيمهيه توفيق حركت ايتماك ايچون هيچ بر سبب موجود اولديني فكر ومطالعهندهدر . اشبو مشابهت بالخاصه تاخير تاديهدن متولد فائض ايله بر تعهدك عدم اجراسندن متولد فائض بيننده دهآ عيان بر صورته نظره چاربار . مسئوليتك سرمايه شكلنده تقدير وتحميني وسيله سيله معين بر تاريخندن اعتباراً فائض تعيين وتخصيصي ايله ، بمقاوله تعيين اولنان ومديون مخطي طرفندن تاديه ايديلان بر سرمايه اوزرينه فائض تعيين وتخصيصي بيننده مشابهت تامه ومكمله موجوددر . يكانه فرقه كنجه صور و احوال مبجودهدن برنده دينك لازم التاديه اولماسي حسيله فاضلر حاكم طرفندن تعيين ايدلديكده و ديكرنده مقدار دين بمقاوله تعيين ايدلسي حسيله اخبارنامه تبليغي صورته فاضلرك غير اختياري وميخانيكي صورته لازم التاديه اولمقده بولنسي در . اشبو مشابهت صميمهني نقض وابطال ايتك ايچون ، كلهك معنای محدوديله ، ايام متأخره فاضلرينك ، تاخير تاديهدن متولد فائض اوللري حسيله ، رد ايدلديكرينه دائر بر عرف وتعاملك ، امثالك وجوديني ، ديون نقديه مسئوليت قواعد عموميه سنه مخالفت ايدلديكينه دائر بر عرف وتعاملك موجوديتي باب عاليك اثبات ايلسي اقتضا ايدر . محكمه اشبو اثبات اجرا ايدلديكدن ماعدا بالعكس بعضاً دولتره ، في الحقيقه بعض فرقلر ايله و بر درجهيه قدر شايان تنقيد و اعتراض صورته ، تاخير تاديهدن متولد فاضلر تعيين وتخصيص ايدلديكينه دائر متعدد اطلاعات حكميه ايله روسيه حكومتك تأييد مدعا ايديه بيلديكي فكر ومطالعهندهدر . اشبو احوال وامثاله ۲ تموز ۱۸۸۱ تاريخنده حشمتلو اوسستريا ايمپراطوري طرفندن « Mosquitia » مسئله سنده اعطا اولنان اعلاميه علاوه ايتك اقتضا ايدر . اشبو اعلاميه حكم تاخير تاديهدن دولاي فائض اعطاسني ، بوصفته قطعياً رد ايتيوب يالكز رأس المالك تخصيصي هبه ماهيتي حائر اولسي حسيله حكمك فكرنجه بوجهت ايام متأخره فائضي اعطاسني برطرف ايتكده ايدى .

شمدي ، دولتك بر مديون عادى كبي مديون اولديني و دولتك آرزو ايلديكي درجه فوقده مديون اوله ميه جني و دولته تعيين و تصريح ايتديكي تعهدات و مثلاً بر مديون خصوصي ك مسئوليتلري تحمیل

اوله رق دولتك امور ماليه سى و حتى موجوديت سياسيه سى معروض تهلكه ايديله جكي يولنده باب عالي جانبدن سرد اولنان مدعياتك محق اولوب اولديغنى تدقيق اقتضا ايدر.

مادامكه ، دولترك مسئوليتى اقسام مختلفه سنك يكديكرندن اساسلى فرقلر ايله آيرلديغنى و بتون بو مسئوليتلرك بر مبلغ نقدي تأديه سيله نتيجه لنديكى ويا نهايت بوله بيله جكنى و عادات دوليه نك و امثالك اشوقواعد ايله توافق ايلديكى قبول ايتديكى جهتله ، محكمه دولترك مسئوليتك قسماً دكل ، انجق تماماً رد ويا قبول ايديله بيله جكنى تحت قراره آلمشدر ، مسئوليتك ديكر بالجه اقسام مختلفه سنك دولتره عدم تطبيقى اساسنى قبول و توسيع ايتكميزين ديون نقديه موادنده دولترك عدم مسئوليتنى اعلان ايتك محكمه ايچون قابل و ممكن دكلدر .

برجرم دولاييسيله ويا برتعهدك عدم ايفاسى حسييله بر دولت تضمينات متقاصه اعطاسنه محكوم اولديغنى صورته ، مقاولهيه مستند بردين نقدينك تأديه سنده وقوعبولان تأخر سبيله تولد ايدن مسئوليتدن فضله ، بالرضا والاخييار ذكر و تصريح ايلديكى درجه فوقنده مديون اولمشدر اشبو مسئوليتلرك دولت مديونه امور ماليه سنده كى نتايجنه كلنجه باب عالي طرفدن تضمينات متقاصه تسميه ايديلان ضرر و زيانلردن بحث اولنورسه ، كله نك معنای محدوديله تأخر تأديه دن متولد ضرر و زيانلردن بحث اولنديغى زمان ترتب ايدن مسئوليتدن فضله درجه ده دكسه بيله عين درجه ده وخيم مسئوليتلر ترتب ايتكمده در . مسئوليت ، نه قدر جزئى مقدارده اولور ايسه اولسون دولتك موجوديتى تحت تهلكيه قويدىغى زمان ، مديون عادى طرفدن سرد ايلديكى كى ، حقوق عموميه دولده ادا و درميان ايديله بيله جك برسبب مجبر تشكيل ايدر .

ايمدى محكمه دولترك مسئوليتى اساسنى صراحة قبول ايدن باب عالي نك ، قوه عموميه صفتى و اشبو مسئوليتك نتايج سياسيه و ماليه سى ايلرى سورده رك ، ديون نقديه ده اشبو مسئوليتدن استنا ايدلسى يولنده كى طلبك هيچ براساسه مستند اولمديغنى فكر و مطالعه سنده در .

۵ — مقاولهيه مستند صافى و لازم التأديه بر دينله مديون بر دولت عهده سنه ترتب ايدن مسئوليت مخصوصه نك نه دن عبارت اولديغى اراده و اثبات ايچون ، مقام استشهادده درميان اولنان اعلامات حكميه ده يابلديغى اوزره ، كرك بومسئوليتك وسعتى و كرك بوبابده درميان اولنه جق مستنيات نقطه نظرندن ، اشبو مسئله ده دائر حقوق عموميه و خصوصيه قواعد عموميه سنى بالمقايسه تدقيق و تحرى ايله مك ايجاب ايدر .

اوروپا جمعيت دوليه سنه اشتراك ايدن دولترلر قوانين خصوصيه سنك جمله سنده ، اولجه ده روما حقوقده قبول اولنديغى اوزره ، مقاولهيه مستنداً تعيين ايدلمش صافى و لازم التأديه بر مبلغك تسويه سندن عبارت بولنان برتعهدك ، عدم ايفاسندن بحث اولنديغى تقديرده ، هيچ اولمازسه تضمينات مقطوعه صورتيه ، لاقول مديونه

اخبارنامه تبليغندن اعتباراً ، ايام متأخره فائضى اعطاسى مجبوريتى قبول ايدلمكده در . بعض قوانين ده ايلرى كيده رك انقضاي وعده تاريخندن اعتباراً مديونه اخبارنامه تبليغ ايدلمش عد و تلقى ايلكده ويا على العاده مقطوعاً فائض تسويه ايديله جك يرده ضرر و خسارك تماماً و كاملاً تقسيم و توزيعى قبول ايتكمده درلر . صافى و لازم التأديه بر مبلغك تسويه سنى طلب ايتكمده داي ، التزام سرعت ايتماسى حسييله مخطى بولنديغندن روما حقوقى مثاله توفيقاً اكثر قوانين صراحة اخبارنامه تبليغنى طلب ايتمشلدر .

روسيه حكومتى ده اخبارنامه تبليغى لزومنى قبول ايتكمده و مقتضاي نصف و معدله نظراً تعهداتك ايفاسى بابتده بر دولت مديونه ، اخبارات و تبليغاتده بولنلمدجه كنديسندن وهله تأخر تأديه فائضى طلب ايتماك مناسب كورلمكده در . مؤلفين « ديكرلرينه قارشو اجرا اولنه جق معاملاتده ، هر كسك كندى حقه ده اجرا اولنمى آرزو ايلديكى برطرز حركتى اختيار مجبوريتده بولنديغى حقه ده كى قاعده سنه نظراً بر معاهده عموميه نك تطبيق و اجرا سنده اعتدال و نصف ايله حركت لازم كلديكى و بناء عليه طرف مسئولك امكان دائره سنده آز ضرر و خساره دوچار اولمى تأمين بابتده مناسب وعده و مهلتلر اعطاسى اقتضا ايلديكى و ايفا و اجراسى صورت صريحه ده بر زمان معينك حلوئه ربط و تعليق ايدلمش بر تعهددن بحث اولنديغى صورته متعهدك تأخر مناسبيله مسئول اولمازدن مقدم داي طرفدن اخبارنامه تبليغنه انتظار ايد بيله جكنى » نظر ملاحظه و مطالعه ايه آلمقه درلر .

برجق بين الملل اعلامات حكميه ده تأخر تأديه مناسبيله ضرر و زيان اعطاسندن بحث اولنديغى تقديرده دائماً ضرر و خسارى موجب فعل و حادثه نك تاريخ وقوعندن اعتباراً ضرر و زيانلرك جريان ايتديرلمسه لزوم و محل اولمديغى قبول ايدلمكده در .

اوروپا قوانينك اكثرنده مديون خصوصى به تحمیل ايديلان مسئوليتدن شديد صورته ده دولت مديونه نك مسئول اولديغنى فرض ايتكمه ، محل و امكان اولمديغى كى لازمه عدالت و نصفته ده مغايردر . نظر يانده تعيين و اراده ايدلديكى كى روسيه حكومتجه قبول اولنديغى اوزره لازمه معدلت و نصفته توفيقاً ، تبليغاتده بولنلمدجه ، مديونه اخبارنامه تبليغ ايدلمدجه بردين فائضه تابع اولماز . عين اسبابه بناء اخبارنامه تبليغنده صراحة فائضك ذكر و بيان ايدلمى لازم اولديغى كى على العاده مقطوعاً تعيين ايداش فائضلر مقدارينى تجاوزنه ايدن بر مسئوليتى ده تضمين ايتماسى اقتضا ايدر .

سردواتيان اولنان مخابراتدن استنتاج اولنديغنه كوره روسيه حكومتى در سعادتده كى سفارتك ۳۱ كانون اول ۱۸۹۰ / ۱۲ كانون ثانى ۱۸۹۱ تاريخلى تقريريله ، صراحة و صورت مطلقه ده واضح و قطعى تعبيراته ، باب عايدن رأس المالك و فائضلرك تسويه سنى طلب ايله مشدر . دولترلر بيننده ، حقوق عموميه دول مناسباتى ايچون منتظم و طبيعى اصول مخابراتى ، ديپلوماسى طريقى تشكيل ايله ديكنندن بو صورته تبليغ ايديلان اخبارنامه شكلاً معتبردر .

ایمدی حکومت سنیه اشبو اخبارنامه نك تبلیغندن اعتباراً ایام متأخره فائضریه مسئول عد وتلقی اولنق
اقتضا ایدر.

حکومت سنیه ، کندیسنه تحمیل مسئولیت اولدینی صورتده ، مختلف اسباب استثنائیه سرد ودرمیان
ایتمکدهدر . شمدی ده اشبو اسباب استثنائیه نك اهمیت و قیمتی تقدیر و تدقیق اقتضا ایدر :

۶ — برنجی درجه ده سرد اولنان سبب مجبر استثنائی حقوق خصوصیه اولدینی کی حقوق عمومیّه
دولده مقام مدافعه درمیان اولنه بیلور . حقوق دولده احتیاجات سیاسیه ایله توفیق و تألیف اولنق اقتضا
ایدر . دولتک موجودیتی بیله تحت تهلمکده بولنور ، بین الملل وظیفه نك ایفاسی دولتی مخاطره یه القا ایدر سه ،
بردولت ایچون معاهداتی تطبیق واجرا ایتک مجبوریتک کسب خفت ایده بیله جکنی روسیه حکومتی صراحة
قبول ایتمکدهدر .
اشبو سبب مجبر اعتراضی تأییداً ؛ ۱۸۸۱ سنه سندن ۱۹۰۲ سنه قدر دولت علیه نك ، عصیان و محاربات
کبی وقایع داخلی و خارجی ایله مترافق پک وخیم مشکلات مالییه معروض اولدینی واشبو وقایع وارداتندن
برقم مهمنی مصارف مخصوصیه حصر ایلکه ، امور مالیه سنک بر قسمی ایچون اجنبی قونترولنی قبول
ایتمکده حتی عثمانلی باقعه سی لهنده تأجیل دیونه مساعده ایلکه و صورت عمومیّه آنجق تأخرات ایله ویا
نقصان صورتده و بیوک فدا کارلقلر اختیاریه تعهداتنه قارشولق تدارک ایتکده حکومت سنیه یی مجبور ایلدیکی
خصوصاتنک باب عالی طرفندن اثبات ایلدیکی غیر قابل اعتراضدر . فقط دیگر طرفندن اشبو عین مدت
ظرفنده وبالخاصه عثمانلی باقعه سنک تأسیسی متعاقب ، دولت عثمانیه نك اهون و مساعد شرائطه استقرار
عقد ایده بیلدیکی ، و برقم دیونی تبدیل و تحویل ایله بیلدیکی و نهایت دیون عمومیّه سندن (۳۵۰)
میلیون فرائق مقدارنده تخمین اولنان دیگر بر قسم مهمنی اطفای ایده بیلدیکی محقق و موثوقدر .
روس تضمینات شخصیه اصحابنه مدیون بولدینی الی میلیون فرائق مقدارنده تخمین اولنان بالنسبه اصغری
بر مبلغی تأدییه خصوصنک ویا مبلغ مذکورک تأدییه سی ایچون بر استقراض عقدینک ، دولت علیه عثمانیه نك
موجودیتی تحت تهلمکده قویه جغنی ویا احوال داخلی و خارجی سنی صورت و خیمه ده اخلاص ایده جکنی
قبول ایتک پک مبالغه کارانه برادعا اولمش اولور . ایمدی سبب مجبر اعتراضی شایان قبول دکلدر .

۷ — باب عالی بعده «روس تضمینات شخصیه اصحابنک مطلوبی اوله رق بر رأس المالك قبول و تصدیق ؛
ایکی حکومت منفعتی دائره سنده ، حکومتین مذکورتن بیننده تقرر ایتش بر عطیه واحسان شکل وماهیتی
حائز اولدینی » ادعا ایتمکدهدر . حکومت مشارالیه آلمانیا قانون مدینسنک ۵۲۲ نجی ماده سنده ، آلمانیا
حقوق عادیه سنده ، اوستریا حقوق شناسانک فکرینه نظراً ، روما حقوقده ؛ هبه و عطیه لرك تأخر تأدییه

فائضه تابع اولسی منع ایدلدیکنی دلیل منضم اوله رق ایلری سورمکده و بوبابده جلب نظر دقت ایلکدهدر .
حکومت سنیه بالخاصه انکلتزه و نیقاراغوا حکومتلری بیننده متحدث Mosquitia مسئله سنه دائر ۲ توز
۱۸۸۱ تاریخده حشمتلو اوستریا امپراطوری طرفندن اعطا اولنان حکم اعلامنی مقام مدافعه درمیان ایلکدهدر .
اشبو مسئله ده انکلتزه ۱۸۶۰ تاریخلی بر معاهده ایله Mosquitia اوزرنده کی حمایه سندن و Grey Town

(San Juan del Norte) شهرندن فراغت ایتش و Mosquitos لرک رئیسنه ، اراضیسی اوزرنده توسیع
مأذونیت اصولنک تأسیسی تمهیل ایچون ، نیقاراغوا جمهوری طرفندن اون سنه مدته سنوی (۵۰۰۰)
دولار اعطا ایدلک شرطیه ، نیقاراغوانک Mosquitia اوزرنده حاکمیتی قبول و تصدیق ایتش و آزر بر
مدت صوکره اشبو واردات سنویه Mosquitos لر رئیسنه اعطا ایدلماکده باشلامش ایدی . حکم نظرنده ،
انکلتزه حکومتک ، اراضی مذکوره اوزرنده کی حمایه سندن و Grey Town لیمانده کی حاکمیتدن صرف
نظر و فراغت ایتک صورتیه ، اجرا ایلدیکی سیاسی فدا کارلقلر مقابلنده ، Mosquitos لر رئیس لهنه
نیقاراغوا حکومتدن طلب ایلدیکی حقیقی برهه و عطیه دن ، رئیس مرقوم استفاده ایلکده ایدی .

محکمه نك فکرینه کوره روس تضمینات شخصیه اصحابی ضرر و خساره دوچار ووقایع حربیه مصاب
و گرفتار اولمش و دولت علیه ، در سعادتده کی روسیه سفارتنده تشکیل ایدیلان قومیسسیون معرفیه تقدیر
و تخمین اولنان ، بالجمله روس خسارزدکاننک دوچار اولدقلری ، ضرر و زیان مجموعنک ، تأدییه سنی
درعهده ایلهمشدر . اشبو قومیسسیون مقرراتی موجب اختلاف و اعتراض اولدینی کی محکمه حکمیه اشبو
مقرراتی تعدیل ویا مقررات مذکورنک صوک درجه عاليجنابانه اولوب اولدینی تقدیر صلاحیتی حائز
دکلدر . وقایع حربیه دن دولای دوچار ضرر اولان روسلره ، دولت علیه جانبندن تضمینات اعطاسی حقوق
دول عادیه قواعدی موجب مجبوری دکلدهده حقوق دول قواعدینه مغایرده اولدینی کی تضمینات حربیه
مشابه شرائط دائره سنده بر معاهده صلحیه ایله ، بر وظیفه معنویه نك بر مجبورییت حقوقیه تبدیل و تحویلی
صورتنده عد وتلقی اولنه بیلور . بومسئله یه دائر اوتوز سنه دنبرو تعاطی اولنان بالجمله دیپلوماسی مخابراتنده
وقایع حربیه دن متضرر اولان روسلر ، ۱۸۷۸-۱۸۷۹ معاهداتنه واضع الامضا طرفین جانبندن دائم الاوقات
موهوبله صورتنده دکل ، تضمینات شخصیه اصحابی صورتنده عد وتلقی اولنمشدر . نهایت دولت علیه انقطاع
مخاصات صورتیه ، کندی ادعاسنه نظراً ، اشبو عطیه واحسانک ، قارشولغنی اخذ ایتش اولور .
شوالده تضمینات مذکوره عطیه واحسان اولدینی کی بوراده هبه احتمالی هیچ ده وارد خاطر دکلدر . بناء علیه
واهبلرک ، بعض قوانین خصوصیه ده لهرینه تأسیس اولنان تأخر تأدییه فائضلرندن معافیت اساسندن حقوق
عمومیّه دولده استفاده ایدوب ایتدکلرینی تحری ایتک زاندر .

۸ — باب عالی ، تضمینات شخصیه اصحابندن اوچ کشی نك ، روسیه نك در سعادت سفارتنده تشکیل
اولنان قومیسسیوندن ، تضمیناتک تماماً و کاملاً تأدییه سنه قدر فائض طلب ایتدکلرینه و قومیسسیونک اشبو

استدعالي نظر اعتباره آلمديغه و صورت منفيده قبول ايديلان اشو صورت حلك ، بوقيل فائض طلبنده بولميان ديكر تضمينات شخصيه اصحابي حقننده قابل تطبيق اوله جني شبهه سز بولنديغه استناد ايدرك ، امر مقضي اعتراضى سرد و درميان ايتكمده در .
اشبو اعتراض ده شايان قبول دكلدر . چونكه در سعادت قوميسيوني بر محكمه كجى عد و تلقى اولنه بيله بيله ، حال حاضرده موضوع بحث اولان مسئله ، قوميسيون معرفيله ۱۸۷۹ - ۱۸۸۱ - بهارنده تقدير و تخمين اولنان تضميناتك تأديه اولند قلى تاريخلر مناسبتيله ضرر روزيان اعطاسى لازم كلوب كديكى مسئله سى در . قوميسيون بومسئله دأر اعطاسى حكم ايتديكى كجى بومسئله يي تقدير و بو باده اعطاسى حكم صلاحيتنى ده حائز دكل ايدى .

۹ - باب على : اك صوك اعتراض اولق اوزره ، شو صوك اون بر ويا اون ايكي سنه ظرفنده تعاطى اولنان ديپلوماسى مخابراتنده ، روسيه نك دولت عليه دن هيچ بر صورتله نه فائض ، نه ضرر و زيان طلب ايتامسى طرفين بيننده ضمناً و حتى صراحةً تقرر ايتديكى و رأس المال كاملاً امرينه آماده بولنديرلقدن صوكره روسيه حكومتك ، كندى طرفندن اولجه قبول ايدلمش برائتلافى ، يالكز باشنه اخلاص ايديه جكنى سرد و اتيان ايله مكده در .

روسيه ، ديپلوماسى طريقه ۲۱ كانون اول ۱۸۹۰ / ۱۲ كانون ثانى ۱۸۹۱ تاريخنده رأس المالك و فائضلرك تأديه سى ايچون در سعادتده بر اخبارنامه تبليغ ايتدى ايسه ديكر طرفندن تقسيطلرك ائساي تأديه سنده سفارت جانبندن اعطا اولنان مقبوضلرده ، فائضلر حقنده هيچ بر قيد احترازي درميان ايتديكى و سفارتك اخذ اولنان مبالغ اوزرندن قطعياً فائضلرى محسوب ايلديكى مخابرات متأخرمدن استتاج اولنديغه دأر حكومت سنيه صورت محقه ده جلب نظر دقت ايلامكده در . طرفين تضميناتك تأديه سنه وصول ايچون طرق ائتلافيه بولق اوزره مذاكرات اجراسيله قالموب تخميناً اون سنه مدت ظرفنده فائض جهتي موضوع بحث ايله مكدن اجتناب ايتدكلى مخابرات مذكوره دن مستفاد اولمده در . بالخاصه ايكي حكومت تضميناتك بقاياسى تعبيرنى عين صورتله تفسير ايتدكلى ده مخابرات مذكوره دن مستبان اولمده در . ۲۷ مارت ۱۸۹۳ تاريخلى برنوطه ده ايلك دفعه اوله رق دولت عليه عثمانيه خارجيه ناظرى طرفندن استعمال اولنان اشبو تعبير بالاخره دفعات عديده ايله قوللاشدر . حكومتين متبادياً بقايا تعبيريله ، تأخر تأديه دن متولد فائض خارج بيراقيله رق ، نوطه لرك تعاطيسى تاريخنده رأس المالك ، مديون قالن ، اجزا و اقسامنى قصد ايلشدر . روسيه نك در سعادت سفيرى ۲۳ ميس / ۴ حزينان ۱۸۹۴ تاريخنده اشعارات آتیه ده بولنيور : «علاقه دارانك شكايات و مطالب محقه سنى اسماف ايتك و بو صورتله ، ذات على نظارتنا هيلرينك تعبيرى وجهله ، شمدى به قدر بقايى مذكوره نك محل و ميدان و يرديكى حادثاته صورت حقيقه ده نهايت و يرمك مقصديه روس تبعه سنه مديون بولولوب (۹۱,۰۰۰) عثمانلى ليراسنه بالغ اولان بقايا مجموعك بلا تأخر سفارته تسويه سى بابينده

اصرار مجبوريتنده بولنيورم . (۹۱,۰۰۰) عثمانلى ليراسندن عبارت اولان اشبو مبلغ ، فى الحقيقه اواننده رأس المال اوزرندن حكومت سنيه نك مديون قالدغى مقدار اولوب بو صورتله تأخر تأديه فائضى خارج بيراقلمش ايدى .

اشبو ۱۸۹۴ سنه سى تشرين اولنك اوچنده دولت عليه عثمانيه (۵۰,۰۰۰) ليرالق برتقسيط تأديه ايدركن (۴۱,۰۰۰) عثمانلى ليراسندن عبارت بقايانك تأديه سنى ، عثمانلى باقه سنىك تكفل ايتديكى سفارته اعلام ايتدى و هيچ بر اعتراضه مصادف اولمادى . ۱۳ / ۲۵ كانون ثانى ۱۸۹۶ تاريخنده سفارت ، تضمينات حربيه نك تأديه سى ايچون روسيه حكومتنه اولجه ترك و تخصيص اولمش واردات اوزرينه ، دولت عليه عثمانيه جانبندن عثمانلى باقه سنه حواله لر اعطاسنه قارشو اعتراض ايدركن ، ينه تضميناتك بقاياسى تعبيرنى استعمال ايتدى . اشبو ۱۸۹۶ سنه سى شباطنك اون برنده عثمانلى باقه سنه تدارك و اعطا اولنه جق منابع وارداتك مناقشه سى و سيله سيله باب على طرفندن ، سفارته كوندريلان برنوطه ده «تضميناتك بقاياسى ارايه ايدن (۴۳,۹۷۸) عثمانلى ليراسى» عبارته سى درج ايدلى . — برقاچ كون صوكره ۱۰ / ۲۲ شباط تاريخنده سفارت عينا «بقايا» ويا «تضميناتك بقاياسى» Soldeau reliquat de l'indemnité تعبيراتى استعمال ايدرك اعطاسى جواب ايله دى . ۲۸ ميسده ، حكومت سنيه خارجيه ناظرى «اشبو بقايى ارايه ايدن (۴۳,۹۷۸) عثمانلى ليراسى مقدارنده كى مبلغ» عبارته سنى قولاندى . سفارتك ۲۵ نيسان / ۸ ميس ۱۹۰۰ تاريخلى برنوطه سنده ، هر نه قدر اشبو مخابرات ايله ۱۸۹۶ مخابراتى بيننده درت سنه يه قريب بر زمان كذران اولدينى و بوقدر اوزون بر مدت صوكره فائضلر مسئله سنىك اخطارى اقتضا ايلديكى حالده ، عين تعبيرات استعمال ايدلمشدر . «تضميناتك بقاياسى» تعبيرى باب على نك ۵ تموز ۱۹۰۰ تاريخلى بر نوطه سنده ده عرض چهره ايتكمده در . نهايت ۳ / ۱۶ مارت ۱۹۰۱ تاريخنده روسيه سفارتى «روس تبعه سنه مديون بولنان تضمينات بقاياسنىك بالغ اولدينى (۴۳,۹۷۸) عثمانلى ليراسنىك تسويه سى ايچون» عثمانلى باقه سنىك يكي تأديا تده بولنديغى درميان ايتدكدن صوكره «مبالغ مبحوث عنهانك بلا تأخر تأديه سى بابينده مقامات عاذه سنه اوامر لازمه» اعطا ايدلمشنى طلب ايله دى . اشبو بقايا عثمانلى باقه سى معرفيله سفارتك امرينه آماده بولنديرلدى . يالكز برقاچ آى صوكره ، ۲۳ حزينان / ۶ تموز تاريخنده سفارت باب على به «تأخر تأديه قاضى اوله رق يكرمى مليون فرائق مقدارنده بر مبلغك تأديه سى بابينده علاقده دارانك وقوع بولان طلب و مراجعتى تبليغ ايديور و باب على نك قاعده اشبو مطالباتك محق و مشروعيتنى تصديقده تردد ايتمه جكنه اميد وار اولديغى بيان و يالكز تفرعات و تفصيلاتك تدقيق روسلر ايله عثمانلىلردن مركب ، مختلط بر قوميسيونه توديع اوانه بيله جكنى درميان ايله يوردى . خلاصه كلام ، اون برسنه ودها زياده برمدتن اعتبار ايله رأس المال بقاياسنىك تأديه سنه مؤخر بر تاريخه قدر ، حكومتين بيننده ، دكل يالكز فائض مسئله سى موضوع بحث ايدلمش ، حتى دفعات عديده ايله يالكز رأس المال بقاياسى موضوع بحث اولشدر .

محكمة قواعد عموميه و حقوق عموميه دوله كى عرف و تعامله نظراً ، مقاولهيه مستند صافى و لازم التأديبه بر مبلغي مديون اولان بر دولت ايله بر فرد خصوصى بيننده مشابعت احوال و وضعيت بولنديغى قبول و تصديق ايتديكندن ، اخبارنامه نك حكمدن ساقط و بوندن استفاده حقنك زائل اولمسته دائر حقوق خصوصيه عاديّه قواعدى بالمقايسه تطبيق ايتك موافق نصفت و معدلتدر .

حقوق خصوصيه داي مديونه اخبارنامه تبليغ ايله دكدن صوكره ، اخبارنامه ايله مكاسب حقوق حقنده قيد احترازي درميان ايتكسزين ، تعهد اصلى نك ايفاسى ايجون بر ويا متعدد مهلتلر بخش و اعطاي ايدرسه ويا داي مديونه تبليغ ايله ديكي اخبارنامه ي تعقيب ايله مز ايسه ، اخبارنامه نك نتايجى فسخ و الغا ايدلمش اولور . اشبو قواعد بر تهديك عدم اجرا سندن دولاي ويا ايفاسنده وقوعه كلان تأخر حسييله ، مديون بولنان ضرر و زيانلره وكذا فائضله قابل تطبيقدر .

روسيه حكومتى باب عايدن طلب ايتديكي فائضدن فراغت ايله مش ديمك اولور . چونكه روسيه سفارتى تضمينات بقاياسنى ارأه ايدن رقلرى رأس المال بقاياسنى ارأه ايليان رقلرك عين و ممائلى صورتنده ، بلامنافسه و بلا قيد و شرط صورت قمايه ده قبول ايتمش و ديپلوماسى مخابراتنده دفعات عديده ايله بوضو رتله تكرار و استعمال ايله مشدر . تعبير آخرله سئين اخيره مخابراتى ، طرفينك ، فليائده ۱۸۷۹ و ثائقتى ، رأس المال بقاياسنى تأديبه ايله تضمينات شخصيه اصحابنك مطلوبلرى اولان بقايانك تسويه سى بيننده مشابعت و عينيت بولنديغى تضمن ايدجك صورتده تفسير ايتدكلى اتيبات ايله مكده و بوده تأخر تأديبه دن متولد فائض ويا ضرر و زيانلرك تركنى تضمن ايتكده در . تضميناتك رأس المالى تماماً تأديبه ايديلنججه ويا امرينه آماده بولنديرينلنججه ، روسيه حكومتى ، كندى نامه سفارتى جانبندن قبول و تطبيق ايدلمش بر تفسيرى يالكزباشنه تصحيح و اكمال ايدمه مز .

۳

نتيجه

محكمة حكيمه ملاحظات آنفه حقوقيه و فعليه استناد ايدرك انقضاء ايدمه ايله قاعده ، حكومت سنيه عثمانيه نك ، صريح و منتظم بر اخبارنامه نك تاريخ تبليغى اولان ، ۳۱ كانون اول ۱۸۹۰ / ۱۲ كانون ثانى ۱۸۹۱ تاريخدن اعتباراً ، روسيه حكومتنه ، تأخر تأديبه حسييله تضمينات اعطاسى مجبوريتنده بولنديغى فقط فليائده اشبو اخبارنامه تبليغندن استفاده خصوصى ، در سعادته كى سفارتك بالاخره فراغتى نتيجه سنده ، روسيه حكومتى ايجون منقطع اولديغندن ، دولت عليه عثمانيه نك ، تضميناتك تأديبه اولندقلرى تاريخلر مناسبتيه ، اليوم حكومت مشاراليهايه ضرر و زيان اعطاسى مجبوريتنده اولنديغى فكر و مطالعه سنده در .

وبناء عليه بوجه آتى

اتخاذ مقررات ايلر :

تحكيمنامه نك ايكنجى ماده سنك برنجى نومرو سنده موضوع و صورت آتيه ده مندرج سؤاله منفياً اعطاي جواب اولمقددر : حكومت سنيه عثمانيه ۲۷ كانون ثانى - ۸ شباط ۱۸۷۹ معاهده نامه سنك بشنجى ماده سنده و كذلك عين تاريخلى پروتوقوله تعيين ايديلان تضميناتك تأديبه تاريخلرى مناسبتيه روس تضمينات شخصيه صاحبلىنه ضرر و زيان اعطاسه مجبورى در دكلى در ؟

۱۱ تشرين ثانى ۱۹۱۲ تاريخنده لاهيه ده محكمة دائمه حكيمه بناسنده تنظيم اولمشدر .

Lardy : رئيس

Michiels van Verduynen : كاتب عمومى

Röell : كاتب

پارس علوم سياسيه مكاتبى مأذونلرندن

مدير مكاتب

حکومت قواعده عمومی و حقوق عمومی و در این باب ...
تاریخ ۱۸۷۸ - ۸ - ۲۷ ...
Lardy
Michiels van Verduynen
Röel

تاریخ ۱۸۷۸ - ۸ - ۲۷ ...
Lardy
Michiels van Verduynen
Röel

تاریخ ۱۸۷۸ - ۸ - ۲۷ ...
Lardy
Michiels van Verduynen
Röel

تاریخ ۱۸۷۸ - ۸ - ۲۷ ...
Lardy
Michiels van Verduynen
Röel

اعلان

در سعادته مقیم تجاردن پنايوط پاپوجانينك شيله قضاسنك قورفاللي قريه سندن محمد امين قبودان ذمتنده
شيله حقوق محكمه سندن استحصال اولنان اعلام موجبنجه الاجنئ اولان مبالغك تأمين استيفاسي ذمتنده
مديون مومي اليهك شيله ده اغوه بوزانده و چارشو جوارنده واقع اولوب فروختي قرارلشديريلان جانب يميني
طريق عام جانب يساري عجم حسين اغا بغچه سي و جبهه سي جامع شريف بغچه سي و ارقه سي كذلك عجم حسين
بغچه سيله محدود فوقاني اوچ اوطه سي تمام اليوم آلتش غروش ايجارله تلغرافخانه اوله رق استيجار ايدلمش
واوچ اوطه سي ناتمام و قابلامه سز و بر صوفه و بر ابدستخانه و تحتاتاي ايكي قبولي والي غروش ايجار
كثيرمكده اولان قهوه خانه سي تمام و اوطه سيله و اوچ دكان ناتمام و اتصالنده بر آخوري حاوي ايكوز
زراع عرصه اوزرينه مبنئ ايكي طرفلي بر باب خانه مع مشتملات مذكوره نك تاريخ اعلاندن اعتباراً اون
بش كون صكره مزايديه وضع اولنه جغندن طالب اولنلرك شيله اجرا دائره سنه مراجعت ايللري اعلان
اولنور .

باندرمه ده مقیم کولقلی قریه لی حاجی عثمان اغانك باندرمه لی اغوب خونديکيان افندی یه محکوم اولدیغی الی
یدی عدد لبرای عثمانینک تأمین استیفاسی ذمتنده اردك اجرا دائره سنجه تحت حجزه آلتان مديون مرقومك
باندرمه قصبه سي جوارنده صوفو اوغلي نام محله کائن طرفلری شرقاً کم الماززاده اسماعیل افندی و غرباً
دره شمالاً کیریا قو باغلی جنوباً تانار حاجی اسماعیل افندی ایله محدود بر دوم باغی تاریخ اعلاندن اعتباراً
اون بش كون صكره بالمزايده فروخت اولنه جغندن طالب اولنلرك باندرمه اجرا دائره سنه مراجعت ايللري
اعلان اولنور .

ارزنجانك چقور محله سنده ساكن ايكن ارزنجان بديت محكمه سي تجارت قسمندن موقتاً افلاسنه حکم
اولمش اولان سورمیان مهر طادك خصوصات افلاسيه سنك رؤيت وتسويه سي ذمتنده تجاردن کلريان سرکس
و آنتکیان سوغومون افنديلر اصلاۃ سندیک تعین قلنمش اولدقلرندن مفلس مرقوم ذمتنده آله جنی اولوبده
هنوز قيد ايتديرمامش اولنلرك قانوننامه تجارتك يوز طقسان طقوز و ايكوزنجی ماده لری موجبنجه تحقيق
ديون ايچون تاريخ اعلاندن اعتباراً بکرمی کون ظرفنده سنداتی محکمه مقیدینه تسلیم ایللری ومدت مذکوره

ختمانیدن صکره و اوچ کونده یعنی مارتک اون طقوزنجی صالی ویکرمنجی چهارشنبه ویکرمی برنجی پنجشنبه کونلرنده
محاکمه نك افلاس اوطنه سنه کله رك سندیک افندیلر مواجهه سنده آلاچقیلرینی اثبات وقید و تصدیق ایتدیرملری
و مدت مذکورده اثبات وجود ایدمیان آلاچقیلر حقیقده قانون مذکورک ایکیوز اوننجی ماده سه نه توفیقاً
معامله ایفا قلنه جنی اعلان اولنور .

قره دکنز ارکلیسنک سلطان اورخان محله سندن حاجی یشیل مخدومی صلاح الدین وکدیک اوغلی امیر محمدک
قصبه مذکورده حاجی حقی بکک اوتلنده اقامت ایتکده ایکن الیوم نزهیه کیتدیکی واقامتکاهی مجهول بولنان
ارکلی دورک یول متعهدی حافظ محمد افندی ذمتنده خدمت کتابت واجرت یومیه دن الاچقیلرینک تحصیلارینه
دائر قضاء مزبور بدایت محکمه سندن استحصال ایلدکاری ۱۹ کانون ثانی ۳۲۸ و ۲۳ کانون ثانی ۳۲۸ تاریخ
و ایکیوز یکرمی سکیز و ایکیوز اوتوز اوچ عددلی اعلام غیابی صورتلری محکوم علیه حافظ محمد افندیکنک
اقامتکاهی مجهول بولندیغندن اجرای تبلیغی قابل اوله مامسنه و مدعیلرک طلبنه مبنی اصول محاکمه حقوقیه
قانوننک یوز اوتوز آلتنجی و یوز قرق طقوزنجی ماده لرینک معطوف علیهی اولان یکرمی آلتنجی ماده سنک
فقره اخیره سی موجبنجه مذکور اعلاملرک برر قطعه صورت مصدقه لری محکمه دیوانخانه سنه تعلیق ایدلمش
اولمغله تبلیغ مقامنه قائم اولمق اوزره اعلان اولنور .

قره دکنز ارکلیسنک سلطان سلیمان محله سندن کوچک ابراهیم اوغلی حاجی راشد افندیکنک محله مذکورده دن
بالقبحی احمدزاده متوفی اسماعیل بک ورثه شرعیه سندن زوجه سی فاطمه و صلییه کیره قیزی ملکه ذمتلرنده بااعلام
محکوم به آلاچقنک تأمین استیفاسی ذمتنده مدیون مذبورنک عهده تصرفنده بولنان حجز و فروختی تقرر
ایدن قصبه مذکورده چارشوسنده کائن یمینی حاجی حافظ زاده حاجی راشد افندیکنک دامادی حاجی شوکت
افندی ایله ملاخلیل اوغلی حاجی طاهر دکانلری یساری آرقه جبهه سی طریق ایله محدود بر باب کارگیر
خنده اولان بشیوز طقسان ایکی سهمدن بشیوز درت سهم حصه سی تاریخ اعلاندن اون بش کون صکره
بالمزایده صانیله جغندن طالب اولانلرک ارکلی بدایت محکمه سی اجرا دائره سنه مراجعت ایتلری اعلان
اولنور .

ازینه قضا سنک جای مسجد محله سنده مقیم ژاندارمه سواریلکندن مستعفی آرناوود یشار آغاک قضاء
مذکورده تابع یرغوس قریه لی حاجی ادهم آغا اوغلی صادق آغا ذمتنده آله جغندن دولایی تحت حجزه
آلان قضاء مذکور اوچک قریه سنده ایکی طرفی مدیونک برادری یوسف آغاک خانه سیله صمانلی و آرقه سی
مهاجر حسن آغاک ترلاسی اولک طرفی طریق عام ایله محدود بر یر اوطه دن عبارت خانه ایله یاریم اولک

اولو و بر آخوری شامل خانه تاریخ اعلاندن اعتباراً اون بش کون صکره بالمزایده فروخته تشبث اولنه جنی
ازینه قضاسی اجرا دائره سندن اعلان اولنور .

قصابلر قریه سندن کلجی اوغلی محمدک سمر قند محله سندن صادق اوغلی حاجی مصطفی اغایه با اعلام
محکوم به بیک درتیوز اوتوز درت غروش بورچنک تأمین استیفاسی چون تحت حجزه آلنان قریه مذکورده
اوز بکلر موقعنده معلوم الحدود بر قطعه ده ایکی دوئم ترلاسنک حجز و فروخته قرار ویرلیدکندن مذکور ترلایه طالب
اولنلرک وزیاده معلومات آلمق استیانتلرک بولی اجرا دائره سنه مراجعت ایللری اعلان اولنور .

قره دکنز ارکلیسنک سلطان سلیمان محله سندن جبر زاده سامی افندیکنک ارکلی دورک یول متعهدی اولوب
قصبه مزبورده حاجی حقی بکک اوتلنده اقامت ایتکده ایکن الیوم نزهیه کیتدیکی واقامتکاهی مجهول بولنان
حافظ محمد افندی ذمتنده اشیا وامتنه بدلندن مطلوبی اولان بیک طقوز یوز یکرمی طقوز غروش اوتوز
پارنک تحصیلنده دائر قضاء مزبور بدایت محکمه سی حقوق دائره سندن استحصال ایلدیکی ۳۰ صفر سنه ۳۳۱
و ۲۴ کانون ثانی سنه ۳۲۸ تاریخ و ایکیوز اوتوز یدی عددلی اعلام غیابی صورتنک محکوم علیه حافظ
محمد افندیکنک اقامتکاهی مجهول بولندیغندن اجرای تبلیغی قابل اوله مامسنه و مدعیکنک طلبنه مبنی اصول محاکمه
حقوقیه قانوننک یوز اوتوز آلتنجی و یوز قرق طقوزنجی ماده لرینک معطوف علیهی اولان یکرمی آلتنجی ماده سنک
فقره اخیره سی موجبنجه اعلام مذکورک بر قطعه صورت مصدقه سی محکمه دیوانخانه سنه تعلیق ایدلمش اولمغله
تبلیغ مقامنه قائم اولمق اوزره اعلان کیفیته ابنتدار قلندی .

پتراق افندی ورثه سنه اولان غیراز استیفا متباقی دین محکومندن طولایی کوچه اوغلی اندون بکک
عهده تصرفنده اولوب محجوز بولنان غلطه ده کانکش قره مصطفی پاشا محله سنده مصطفی پاشا زقاغنده ۶۹
نومرو ایله مرقم اولوب تخمیناً اوچیوز یتش سکیز آرشون عرصه اوزرینه مبنی و لت قانتنده زقاغه ناظر
ماهیه سکیز لیرا بدل ایجاره متحمل بر باب بیوک منازیه و اوچ قاندن عبارت اولوب ایکی قاتی بشر اوطه دن
اون اوطه یی و اوست قاتی دخی آلتی اوطه یی محتوی و ماهیه جمعاً اوتوز اوچ لیرا بدل ایجاره متحمل بر باب
خانک ملک و کدکنک تمامیه یتش نومرولی اوزرینه انشا اولغیه رق ایکی طرفی آچیقلق اتخاژ اولنان کدکدن
عاری محاک نصف حصه سی تاریخ اعلاندن اعتباراً اون بش کون صکره موقع مزایده یه وضع ایدیله جکندن
اشتراسنه طالب اولنلرک ودها زیاده معلومات آلمق استیانتلرک محکمه تجارت اجرا دائره سنه مراجعت ایللری
لزمی بیان اولنور .

مدعی حاری کیغاسک مدعی علیهم سلانیک مکتوبنجیسی مرحوم عارف بک زوجه سی عائشه شریفه خانم

توضیحات
نومروسی

محكمة تمیز حقوق دأره سی مقرانی — (۱) مدعابه ثمن مثلیمدر ، ثمن مسامیدر بو
جہتلك مدعی به تعین ایتدیرلسی لزومنه
دائر
۲۸ شباط ۳۲۸ ۳۷۹۸

» (۲) اعشاری التزام اولنان ترلارده حریق
ظهوری حقنده
۲۸ » » ۳۸۰۰

» (۳) عقدك وكالت ویا رسالت صورتلرندن
هانكیسی ایله اولدیفنك تحقیق لزومنه
دائر
۵ مارت ۳۲۹ ۳۸۰۱

جنایت محكمه سی اعلامی — (۱) نیكل پاره لر حقنده (قلبرلق)
۱۱ كانون اول ۳۲۸ ۳۸۰۳

محكمة تمیز جزا دأره سی مقرانی — (۱) علی طریق القیاس تقدیر مجازاتك عدم
جوازی (بالاده کی جنایت اعلامك نقصنه دائر)
۷ شباط » ۳۸۰۵

» (۲) جبراً قاجیروپ ازاله بکر
۸ مارت » ۳۸۱۷

» (۲) فعل قتلك تعمداً ایقاعنه دلالت ایلیان
اسباب قانونیه کوسترلکسزین فاعلك
تجریمی جائز دکلدیر .
۱۰ » » ۳۸۱۸

» (۴) قطاع طریق
۱۲ » » ۳۸۲۰

محكمة تمیز استعداده سی مقرانی — (۱) مزورعانه ایزاث خسار
۳۰ ایلول ۳۲۸ ۳۸۲۱

» (۲) مسئله مستأخره
۱ تشرین اول » ۳۸۲۲

» (۳) میری اورمانندن قطعیات
۷ » » ۳۸۲۴

قسم غیر رسمی

مقالات

ثبت جرمه دائر محكمه تمیز جزا دأره سی رئیس عثمان بك افندیك
۳۸۲۷

محاربات بحریه سباج تبدیلی مسئلہ سی پارس علوم سیاسیہ مکتبندن مأذون سعید حکمت بكك
۳۸۳۶